



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

E Libris

Arturi S. Napier.



CH 38 [Aue]



300031973Q

E Libris

Arturi S. Napier.



CH 38 [Aue]



300031973Q

Die Werke
Hartmanns von Aue.

IV.
Gregorius.

Herausgegeben

von

Hermann Paul.

Halle.
Max Niemeyer.
1882.

Altdeutsche textbibliothek, herausgegeben von H. Paul.
No. 2.

Einleitung.

Hartmanns Gregorius oder, wie der dichter selbst sein werk bezeichnet (z. 175), die geschichte von einem guten sündler behandelt einen legendenstoff. Im eingange bereut der dichter seine früheren weltlichen dichtungen. Man möchte danach meinen, dass die abfassung des werkes nicht bloß nach der des Erec fallen muss, was zweifellos ist, sondern auch nach der des Iwein. Indessen bleibt doch die möglichkeit, dass die abkehr des dichters von weltlichen stoffen nur aus einer vorübergehenden stimmung entsprungen ist, wodurch eine spätere rückkehr zu denselben nicht ausgeschlossen war. Man kann sich dafür auf das beispiel Rudolfs von Ems berufen, der, nachdem er in seinem Barlaam 5, 10 darüber geklagt hat, dass er die leute *mit trügelichen mæren* betrogen habe, doch später einen Wilhelm von Orlens gedichtet hat. Es lässt sich daher aus der stellung, wie sie Hartmann hier zur weltlichen dichtung einnimmt, kein entscheidender grund entnehmen gegen die vor dem bekanntwerden der einleitung aufgestellte und noch jetzt herrschende ansicht, dass der Gregorius älter sei als der Iwein. Indessen ist auch diese ansicht nicht fest begründet. Sie stützt sich auf sprachliche und stilistische beobachtungen. Es ergibt sich daraus aber kein so merklicher abstand zwischen Gregorius und Iwein, als zwischen diesen beiden werken und dem armen Heinrich einerseits und dem Erec anderseits.

Die quelle Hartmanns¹⁾ war ein französisches gedicht, welches uns in drei handschriften erhalten ist, die sich in Tours²⁾, in der Arsenalbibliothek zu Paris³⁾ und im Britischen Museum⁴⁾ befinden. Sie weichen ziemlich stark von einander ab, doch so, dass die beiden letzten in wesentlichen zügen mit einander gegen die erste übereinstimmen. Keine bietet die originale gestalt des textes oder diejenige, welche Hartmann vorgelegen hat. Zur beurteilung des verhältnisses müssen noch die sonstigen bearbeitungen hinzugezogen werden, die aus dem französischen gedichte geflossen sind. Hierher gehört namentlich ein englisches gedicht, welches gleichfalls in drei bedeutend von einander abweichenden handschriften überliefert ist⁵⁾, ferner eine lateinische stark gekürzte prosabearbeitung in den *Gesta Romanorum* (cap. 81)⁶⁾. Der von Hartmann be-

1) Ueber diese und über die weitere verbreitung der sage vgl. ausser den in meiner grösseren ausgabe angeführten schriften noch Comparetti, *Edipo e la Mitologia comparata*, Pisa 1867, s. 87 ff.; d'Ancona, *La leggenda di Vergogna e la leggenda di Giuda*, Bologna 1869; Creizenach, *Judas Ischariott* in *Beitr. z. gesch. d. deutschen spr.* II, 177; Kölbing, *Beiträge zur vergleichenden geschichte der romantischen poesie und prosa des mittelalters*, Breslau 1876, s. 42; Smith, *Oedipusmythen paa slavisk Grund*, in der *Tidskrift for Filologi og Pædagogik*, Ny Række, Bd. 3, s. 114; V. Diederichs, *russische verwandte der legende von Gregor auf dem steine* und der sage von Judas Ischariott, in der russischen *Revue*, Bd. XVII, s. 119 (Petersburg 1880); Constans, *La légende d'Oedipe*. Paris 1881. s. 95 ff. (ohne selbständigen wert). 2) Veröffentlicht von Luzarche, Tours 1856.

3) 100 verse daraus bei Luzarche. 4) Auszugsweise mitgeteilt von H. Bieling, *Ein beitrag zur überlieferung der Gregoriuslegende*. Jahresbericht der Sophienrealschule in Berlin 1874. 5) Herausgegeben ist das Auchinleck ms. in den *Legendae Catholicae* von Turnbull und von Schulz, *Die englische Gregoriuslegende nach dem Auchinleck Ms.*, Königsberger doctoridissertation 1876; das Vernon ms. von Horstmann in *Herrigs Archiv f. neuere spr.*, bd. 55, s. 407; das Cotton ms. von dems. ib. bd. 57, s. 59.

6) Wahrscheinlich aus den *Gesta Rom.* geflossen sind zwei spanische behandlungen der sage, die fünfte novelle in dem *Patrañuelo* des Juan de Timoneda (erschienen 1576), in welcher die heirat zwischen sohn und mutter zur rechten zeit verhindert wird (vgl. d'Ancona a. a. o. s. 54 und Köhler, *Germ.* 15, 287); und das mit vielen willkürlichen zutaten vermengte drama des Matos Fragoso *'El marido de su madre'* (vgl. Köhler, *Germ.* 15, 286). Ferner drei italienische, ein zu Venedig 1806 gedrucktes volksmässiges gedicht (vgl. d'Ancona s. 64) und zwei nach mündlicher überlieferung aufgezeichnete

nutzte französische text hat der fassung, die durch die hs. des Arsenal und die des Britischen Museums vertreten ist, näher gestanden, als der im ganzen weitläufigeren fassung in der hs. von Tours, scheint aber von beiden verschieden gewesen zu sein, da Hartmann mehrfach abweichend von beiden mit dem englischen texte übereinstimmt¹⁾. Das verhältniss des dichters zu seiner quelle ist ein freieres als das im Iwein, ähnlich dem im Erec. Doch berühren seine veränderungen nirgends wesentliche punkte der erzählung und lassen sich der hauptsache nach zurückführen auf das streben nach einschränkung in der schilderung des äusseren détails und nach genauerer darstellung der seelenzustände und der motive der handelnden personen.

Aus Hartmanns gedicht sind wider mehrere bearbeitungen geflossen. Zunächst zwei lateinische. Die eine in kurzen reimpaaren, nach deutscher weise gemessen, wovon nur 36 Zeilen erhalten sind (= Hartm. 740—775)²⁾ schliesst sich eng an Hartmann an. Die andere in hexametern und im stile des Ovid³⁾ ist viel freier und kürzer gehalten. Auf Hartmann beruht ferner die deutsche prosabearbeitung in Der heiligen leben⁴⁾. Dieselbe ist später mehrfach in abgekürzter gestalt verbreitet, auch ins schwedische übersetzt⁵⁾.

mährchen, ein toscanisches (mitgeteilt von Knust in Eberts Jahrb. f. romanische lit. VII, 398) und ein sicilisches (bei Gonzenbach, Sicilische mährchen, Leipzig 1877, s. 134). Alle drei haben das miteinander gemein, dass eine übertragung in bürgerliche verhältnisse stattgefunden hat, und dass der vater am leben bleibt und an der busse teil nimmt. Der name Gregorius erscheint in ihnen nicht mehr, aber Crivolin im sicilischen mährchen erinnert noch daran. Die Gesta Romanorum sind auch ins polnische und daraus in das russische übertragen (vgl. Diedrichs s. 128). Aus der letzteren schon vom originale vielfach abweichenden übertragung ist dann eine noch freiere bearbeitung der legende in russischer sprache entstanden (vgl. ib. s. 130 und Smith, s. 127).

1) Das ist das resultat der oben erwähnten abhandlung von Kölbinger, bei der auch die nicht vollständig abgedruckten französischen hss. benutzt sind. Dadurch ist die untersuchung von Lippold „Ueber die quelle des Gregorius von Hartmann von Aue“ ergänzt und berichtet.

2) Zuerst veröffentlicht von Leo in den Blättern f. literarische unterhaltung 1837, s. 1431; auch bei Lippold, s. 3.

3) Herausgegeben von Schmeller in der Zechr. f. deutsches altertum II, 486.

4) Herausgegeben von Zingerle, Von sant Gregorio auf dem Stain und von Sand Gerdraut. Innsbruck 1873.

5) Vgl. Köhler, Germania XV, 284.

Nahe verwandt mit der Gregoriuslegende ist die bulgarische legende von Paulus von Cäsarea¹⁾, die in einer hs. des siebzehnten jahrhunderts erhalten ist, und zwei serbische volkslieder von dem findling Simeon²⁾. Die übereinstimmung in allen wesentlichen zügen ist unverkennbar. Doch fehlt die befreiung der mutter aus drangsal und die erhebung zum pabst und die festschliessung des Gregorius geschieht nicht durch einen frivolen fischer, sondern durch einen geistlichen, der dem unfreiwilligen sündler seine busse auferlegt, in den volksliedern durch den abt, der den Simon erzogen hat, in der legende durch den heiligen Chrysostomus. In den volksliedern fehlt auch die abstammung von geschwistern, wahrscheinlich aber nur in folge einer verdunkelung der überlieferung. Diese fassung der sage könnte mit dem französischen gedichte aus der selben alten quelle geflossen sein, welche die erhebung zum pabste und die anknüpfung an den namen Gregorius noch nicht gekannt hätte. Aber eine indirecte ableitung aus dem französischen gedichte ist gleichfalls möglich und nicht unwahrscheinlich, zumal da die quellen so jung sind und eine verbreitung der französischen sage über slavisches gebiet sonst nachweisbar ist.

Weiter ab stehen die legenden von Albanus und von Vergogna. In beiden folgt gleichfalls eine unwissentliche blutschande aus einer wissentlichen und wird durch eine ausserordentliche busse gesühnt. Die erste wissentliche blutschande wird aber nicht von bruder und schwester, sondern von vater und tochter begangen. In den einzelheiten der entwicklung weichen beide sagen sowol von der Gregoriuslegende als unter einander erheblich ab³⁾.

1) Vgl. Köhler, Germ. XV, 288. 2) In der sammlung von Vuk II, 7. 37, das eine übersetzt von Talvy (I, 139, 2. ausg. I, 71), das andere von Gerhard in der Willa (I, 226), 3) Zweifelhaft ist es, ob verschiedene sonstige erzählungen von incesten, die von d'Ancona und von Dunlop-Liebrecht, Geschichte der prosadichtung s. 289 und anm. 368^a besprochen sind, mit der Gregoriuslegende in zusammenhang stehen.

Noch ferner steht die legende von Judas Ischarioth. Hier wird die aussetzung, die im übrigen der in der Gregoriuslegende ähnlich ist, durch einen unheilverkündenden traum veranlasst. In die heimat zurückgekehrt tötet Judas bei einem diebstale seinen vater und heiratet seine mutter. Nach entdeckung der verwandtschaft begibt er sich, um sich von der sünde zu reinigen, unter die jünger Jesu.

Bei der Judaslegende kann es kaum zweifelhaft sein, dass sie aus der Oedipussage abgeleitet ist. Nicht so sicher ist das bei der Gregoriuslegende und ihren näheren verwandten¹⁾. Neuerdings ist eine legende bekannt geworden, welche einige züge mit der von Judas, andere mit der von Gregorius gemein hat. Sie findet sich mit mannigfachen variationen in einer russischen sammelhandschrift aus dem 17. jahrh.²⁾, und in mehreren aus mündlicher überlieferung in Russland und im finnischen Karelän aufgezeichneten erzählungen³⁾. Der held heisst wenigstens in einigen fassungen Andreas. Die entwicklung stimmt zunächst in den wesentlichsten zügen mit der Judaslegende. Eine noch grössere übereinstimmung mit der Oedipussage findet darin statt, dass direct geweissagt wird, Andreas werde den vater erschlagen und die mutter heiraten. Es folgt dann aber eine busse die mit der des Gregorius nahe verwandt ist und noch näher mit der des Paulus von Cäsarea. Auch dass Andreas zum schluss bischof von Kreta wird, erinnert an Gregorius. Man ist danach versucht etwa folgende entwicklungsscala der sage aufzustellen: Oedipus — Judas — Andreas — Paulus von Cäsarea — Gregorius, immer unter dem vorbehalt, dass in jeder von diesen sagen einzelne züge erst nach ableitung der nächsten stufe ausgebildet sind. Indessen

1) Gelängnet wird es von Comparetti s. 88. Aus einer verstümmelten gestalt der griechischen sage sucht Lippold s. 52 die Gregoriuslegende abzuleiten. Nichts über das historische verhältniss ergibt sich aus der schrift von A. Heinze, Gregorius auf dem steine, der mittelalterliche Oedipus (Programm des gymnasiums zu Stolp 1877).

2) Vgl. Diedrichs

s. 131, Smith s. 129.

3) Vgl. Diedrichs s. 138 ff., Smith s. 130.

bei der jungen überlieferung der Andreaslegende wäre es gewagt dies abstammungsverhältniss so bestimmt zu behaupten. Vielleicht ist dieselbe nicht als eine zwischenstufe, sondern als eine contamination der legende von Judas und der von Paulus von Cäsarea anzusehen.

Hartmanns Gregorius bezeichnet einen merkwürdigen wendepunkt in der geschichte der höfischen erzählenden dichtung. Er ist auf diesem gebiete die erste äusserung einer reaction der geistlichen interessen gegen die des weltlichen rittertums innerhalb der ritterlichen kreise selbst. Daraus entspringt eine übertragung der in den ritterepen ausgebildeten darstellungsmanier auf religiöse stoffe. Der Gregorius ist das erste muster einer höfischen legende, welches dann direct oder indirect von Konrad von Fussesbrunnen, Konrad von Heimesfurt, Rudolf von Ems und weiterhin von einer ganzen schar von dichtern nachgeahmt ist.

Der text des Gregorius war früher nur in zwei annähernd vollständigen handschriften bekannt, einer pergamenthandschrift des 13. jahrh. im Vatican (A) und einer papierhandschrift des 15. jahrh. in Wien (E). Neuerdings ist eine dritte (I) aus dem 15. jahrh. in dem schlosse Spiez am Thuner see entdeckt (jetzt auf der königl. bibliothek zu Berlin)¹⁾, welche allein vollständig die einleitung des dichters bietet. Dazu kommt eine sehr lückenhafte (G), mehrere fragmente (C, D, H) und die citate aus einer verlorenen hs. im Glossarium Germanicum von Scherz-Oberlin (B). Hie und da ist auch die prosabearbeitung (F) für die kritik zu verwerten. Von diesen hss. gehen A und H, C und E je auf eine gemeinsame quelle zurück. Zwischen den übrigen hss. finden sich auch manche übereinstimmungen in fehlern, diese kreuzen sich aber dergestalt, dass sich danach kein genealogisches verhältniss aufstellen lässt²⁾. Eine folge der eigentümlichen beschaffenheit der überlieferung ist, dass

1) Zum abdruck gebracht von Hidber in den Beitr. z. Gesch. d. deutschen sp. u. lit. III, 90 ff.

2) Grossenteils unhaltbar sind die aufstellungen von Schönbach in der Zsch. f. deutsche phil. V, 117.

die zahl der hss., in denen die einzelnen verse überliefert sind, zwischen 1—6 schwankt, weshalb auch der grad der sicherheit, mit welcher die ursprüngliche lesart hergestellt werden kann, ein sehr verschiedener ist.

Herausgegeben ist der Gregorius zuerst von Greith im *Spicilegium Vaticanum*, Frauenfeld 1838, s. 180 ff. nach der Vaticanischen hs., gleich darauf mit kritischer benutzung weiteren materiales von Lachmann, Berlin 1838; von Bech, *Deutsche klassiker des mittelalters*, bd. 5, Leipzig 1867, zweite auflage 1873; von mir, Halle 1873. Diese letzte ausgabe bot den ganzen damals bekannten kritischen apparat. Eine vorläufige ausbeutung der erst später entdeckten Spiezer hs. ist in einem nachtrage, Halle 1876 gegeben. Die abweichungen der gegenwärtigen kleinen ausgabe von der älteren grösseren sind grösstenteils durch die verwertung dieser hs. veranlasst¹⁾ Nach der vermehrung des textes durch die einleitung schien es angezeigt eine neue verszählung einzuführen²⁾. Um die vergleichung zu erleichtern ist für die erste zeile jeder seite die Lachmannsche zählung, womit auch die meiner älteren ausgabe übereinstimmt, oben angegeben.

Ich lasse ein verzeichniss der abweichungen von meiner grösseren ausgabe, respective dem anhang dazu folgen. Die lesarten derselben stehen hinter dem gleichheitszeichen. Abweichungen der schreibweise sind nicht angemerkt.

39 mīner (*mir von J. Franck vorgeschlagen nach da immer in G*) = unser *I*. 185 der *AI* = der selben *E*. 187 kint *AI*

1) Vielfach verwertet sind auch die bemerkungen von Bartsch in der recension meiner ausgabe, *Germania* XIX, 228 ff. Ueber die älteren beiträge zur kritik und erklärung vgl. meine grosse ausgabe s. IV. Von neueren ist noch zu erwähnen die recension von J. Schmidt in der *Zschr. f. d. östr. gymn.* 1873 s. 426 ff.

2) Die zahl der echten verse des Gregorius mit sicherheit festzustellen ist bei der beschaffenheit der überlieferung ganz unmöglich. Schon deshalb kann man die von Martin in der von ihm besorgten zweiten auflage der Hauptschen ausgabe des armen Heinrich und der büchlein von Hartmann s. XX aufgestellte hypothese, dass vom dichter die teilbarkeit der gesamtzahl durch 30 erstrebt sei, gar nicht ernsthaft discutieren.

= kint nû *E*. 189 begreif *EI* = ergreif *A*. 199 ouch
 diu *EI* = sîniu *A*. 201 man und *I* (man *A*) = und *E*. 202
 diu sach er *EI* = sach er dô *A*. 217 vröuden *EI* = vröude
A. 276 dâ *AI* = sâ *G* (so *E*). 278 als *EGI* = als ez *A*.
 290 den *GI* = der *E* (*fehlt A*). 294 alsô *GI* = sô *A* (*fehlt E*).
 304 werlde vîent sach *I* = werlde vîent ersach *G* (welt
 veint an ir sach *E*, unræine viende sach *A*). 316 möhte *AI*
 = in möhte (im mocht *E*, mochten *G*). 322 ûf *AI* = an *EG*.
 351 nu *AI* = do *E*. 354 was *AI* = *fehlt E*. 355 diu junc-
 frouwe dâ si lac *I* (nur wa statt da) = dâ diu juncfrouwe
 lac *AE* (aber *E* das statt da und *A* inne lac). 358 harte
EI = vil h. *A*. 362 es *AI* = des *E*. 384 bediutet *EGI* =
 diutet *A*. 400 der = ders (der tieffel schûnde sie der lûder
G, der tewffel schurte das l. *E*, der tivel der schanden l. *A*,
 der tüfel mit sinem l. (*I*). 401 begunde *AI* = der b. *E* (und
 b. *G*). 411 In *A* = Ir *EG* (*I fehlt*). 439 ich *AFI* =
 ich ie *DG* (ich der welt *E*). 447 tuot *AEI* = getuot *DG*.
 533 gescheide *EI* = scheide *AD*. 555 rât *DI* = wissen rât
AE. 568 zuo *AI* = und *BDE*. 574 uns *ABI* = uns daz
DE. 594 des *EI* = es *A*. 596 verre. = verre,. 613—615
I = *fehlen AE*. nach 618 stand [daz dem herzen sanfte tuot]
E (*fehlt AI*). 634 sîn *EI* = daz *A*. 636 mit ir *AI* = ge-
 lîche *E*. 646 dô *E* (da *I*) = *fehlt A*. 658 mit im *EIF* =
fehlt A. 707 deheinez *AI* = dâ iener *Lachm.* (ymmer *E*).
 726 diu *AI* = des kindes *BE*. 740 im *I* (in *E*, li im *franz.*)
 = *fehlt AB*. 750 er *AI* = er selbe *E*. 778 truogen *EI* =
 getruogen *A*. 785 in *AI* = im *BE*. 788 stiezen *EI* = stie-
 zenz *A*. 813 der siechtuom der ander *AI* = daz ander der
 siechtuom *BE*. 833 nu *AI* = do *E*. zehant *EI* = sâ ze-
 hant *A*. 865 an — an *I* = an der — an der *A* (an der —
 an *E*). jugende *AI* = tugent *E*. 866 an — an *I* = an der
 — an der *A* (an ir — an ir *E*). tugende *AI* = jugent *E*.
 882 sô *A* (swenn *I*) = als ofte *E*. 894 beide mit *AI* = mit
E. 924 sagen *EI* = sagen iu *A*. 934 in *BEI* = mit *A*.
 941 zuo einem guoten *EI* = ûz hîn ze *A*. 942 gesande =
 gesande,. 943 ein *EI* = dâ ein *A*. 989 wilden *CI* = *fehlt AE*.
 991 was *A* (aus wart gebessert) *I* = wart *CE*. 993
 rede *AI* = vische *DE*. 994 genesen' = genesen. 995 als
 si *A*, do si *I*) = alsô *C* (als *E*). stat, = stat'.

1055 gebreit *E* (gesprait *I*, bespreit *C*) = geseit *A*. 66
 hin *E* = wol hin *AC* (ain tail hin *I*). 69 deheinz (keins *CI*) =
 kein kint (dehein chint *A*). 91 unde ir *EI* = unde *AC*. 98
 daz *AI* = dâ mite *CE*. 103 behielt *EI* (behilte *C*) = ge-
 hielt *A*. 115 sendent *AI* = sendet *CE*. 129 und als er daz
 kint ersach *CEI* (und fehlt *C*) = dð er daz kindelfn gesach
A. 130 sîner bruoderschaft *AI* = sînen bruodern *CE*. 133
 dêswâr wir suln *A* (zwâr wir sond *I*) = sð sule wir *CE*.
 165 zaller *EI* = ze *A*. 179 ich *CEI* = ich iu *A*. 211 ge-
 senftet *AI* = gebezzert *CE*. 218 lîp = lîp.. 219 von *AI*
 = mit *CE*. vrâge. = vrâge. 277. dehein *AI* = ein *CE*.
 288 in *CI* (im *E*) = sî *A*. 289 vuogte sich *AC* (beschach *I*) =
 vuogte *E*. 295 diu muoter daz *AI* (sin m. *I*) = daz diu
 muoter *CE*. 303 tæte dū ime *Bartsch* (Test dw im aber *E*,
 Du hattest im villicht getan *I*) = sich her, tæte du im *A*.
 345 daz *AI* = do *E*. 351 in. = in (*druckfehler*). 361 ze
EI = hin ze *A*. 372 dicke *EI* = ofte *A*. 391 tôdes *EI*
 = endes *A*. 395 iu *Bartsch* = iu des *A* (vch herre *E*, vch
 getrûlich *I*). 411 funden *BEI* = ein funtkint *A*. 421 wil
EGI = und wil *A*. 456 dar *AI* = her *EG*. 461 disen lan-
 den *AI* = disem lande *G* (dem lannde *E*). 469 erwirbe *I*
 (erwerbe *G*) = erwûrbe (erwwrbe *A*, erwurche *E*). 470 er-
 stirbe (stirb *I*, sterbe *G*) = erstûrbe *AE*. 473 nemen =
 næmen. 476 ouch trûwe ich *EI* = ich trûwe ouch *G* (ich
 kan daz *A*). 477 fûr dise stunt *AI* = von dirre *EG*. 502
 geburt *EI* = die geburt *AFG*. 507 sîezeste *AI* = aller
 sîezest *B* (aller beste *E*). 547 maneger *EI* (manich *G*) =
 maneges *A*. 592 daz ist des *EI* (das *E*) = des selben *A*.
 641 nû *AI* = dð *EG*. 643 er *AI* = man *EG*. 657 guot *AI*
 = guoten *G* (fehlt *E*). 669 nû *AI* = und *E*. 670 erkant:
 = erkant.. 680 wære *AI* = der wær *E* (daz were *G*). 686
 wande *AHI* = fehlt *EG*. 691 alliu diu *I* (alle *E*) = diu
AHG. 697 sð *EI* = nû sð *AH*. 700 dienen *EI* (gedienen
H) = verdienen *A*. 703 noch *AEHI* = fehlt. 744 sîne *EGI*
 = die *AH*. 761 dînem *AHI* = dem *EG*. 809 gereite *AB*
 = bereite *EGI*. 837 stark *AH* = starker *EGI*. in dð *AHI*
 = dð *EG*. 844 was *EGHI* = wart (*nur durch versehen*)
AB. 870. an *AHI* = ûf *EG*. 876 gerne *AI*, vor sîn *E* =
 fehlt *BGH*. 884 dar an wol *AI* = wol dar an *EG*. 891 was


AI = diu was *E*. 894 ein *IF*, er da ein *E* = im vil *A*. 905 ân alle *EI* = âne *A*. 918 müleste *EI* = müht *A*. 924 an *EI* = ûf *A*. 954 daz *AI* = ditz *EG*. 959 ie man (ie kain man *I*) = ê ieman *A* (*zweifelhaft ob ê oder ie*) (ymannd ander *E*). 975 und *AI* = oder *E*. 976 daz *AI* = ditz *E*. 984 daz *AI* = ditz *E*. 987 man *EI* = er *A*.


2009 nû *EI* = ouch *A* (do *G*). 28 nû sihe ich *AI* = ich sihe *B* (ich siech doch *E*). 32 danne ein *A* (danne *I*) = ein *E* (*fehlt B*). 42 gevallet *AI* = gevellet *E*. 85 ûz *GI* = *fehlt EF* (auch *A*). 92 manlichem *EI(F)* = michelme *A*. 119 nû wart in zuo einander *AI* = zuo einander wart in *EG*. 138 oder *GI* = und *E* (*fehlt A*). 172 bedrôz *A* = verdrôz *EGI*. 174 ir aber *EI* = ir (ir nu *G*, lobes *A*). 179 ersat *BI* = estat *AE*. 207 ir durch *AI* = durch *EG*. 215 diz *AI* = ez *BE*. 219 næme *AI* = ir næme *E*. 220 erben = erben dâ bî *A* (erben dem lannde *E*, rechter erben *I*). 221 daz *EI* = ditz *A*. was *AI* = wære *E*. 223 ist *AI* = wær *E*. 224 hât *AI* = hete *E*. 237 sî *AI* = sî nû *EG*. 272 ab er *Lachm.* (aber er *A*) = er aber *EH* (er nit won *I*). 303 er *AHI* = er ouch *EG*. 308 dan *AEI* = von dan *BGH*. 310 herzelichen *EI* (innicliche *H*) = heimlichen *A*. 328 gereite *AHI* = bereite *EG*. 329 sîn *AHI* = diu *EG*. 350 mir *AHI* = vil dicke mir *E*. 354 die lûge *AI* = lûge *E* (bose mere *H*). 359 sô *AI* = alsô *EH*. 371 hie des (die *I*, des *A*, dissis *H*) = hie êrste des *E*. 379 harte *EI* = vil harte *AH*. 388 unde *AH* (vnd óch *I*) = unde sach in *EG*. 399 las *AHI* = gelas *EG*. 395 nie man *I* (nieman *AH*) = ouch nieman *E*. 428 mich doch an im *AHI* = doch sîne hulde *EG*. 436 wider sînen willen ze wizzen *AI* (wider in ze wissende *B*) = ze wizzn widr sînen willen *E* (ze wiszene wid' sînē hulden *H*). 532 harte *GI* = vil harte *A*. 539 unz daz *AI* = unz *EG*. 552 guote sündære *AI* = sündær zuo der vrouwen *EG*. 570 ir sult *AI* = muget ir *EG*. 577 niht sî ein edel *EGI* = sî ein ungeborn *A*. 578 weste *ABI* = und weste *G(E)*. 593 iu *AI* = iu iht *EG*. 636 vol an ein ende solde *EI* = wolde an ein ende *A*. 648 vernam *EG* = gehörte *A*. 649 swære *EI* = mære *A*. 650 diu *EI* = daz *A*. 653 dô *AI* = sô *B*. 668 jâ *AGI* = ez *Greith* (*aus versehen stehen geblieben*). 675 niht *EGI* = iht (*fehlt A*). 699 harte *AI* =

vil harte *EG*. 712 irs *AI* = ir des *EG*. 726 habet *EI* = habt ir *A*. 732 swâ iuwer *A* (wa v̄wern *I*) = dâ iu die *EG*. 746 suln ez *AI* = sulnz noch *G* (*E* noch *hinter* bringen). 766 stege. = stege. 767 ungeschuoch = ungeschuoch,. 768 streich er *AI* = er streich *EG*. 771 Nû *I* (un *AF*) = dô *EG*. 780 den *AI* = dâ *E* (do *G*). 788 ez *AI* = daz *E* (daz diczze *G*). sô *I* (nu so *A*) = alsô *EG*. 813 do *A* (nun *I*) = ditz *EG*. 814 ditz schelten *AI* = mit freuden *EG*. 825 selben *AI* = grôzen *EG*. 860 von *Bartsch* *E* (mit *I*) = von sîme *A*. 870 lîhte *EI* = vil lîhte *A*. 934 dan *AI* = dan dem *E*. 936 beginnest dich *EI* = beginnest *A*. 937 ergetzen *EI* = vergezzen *A*. 938 dich *EI* = wol *A*. besetzen *E* (gesetzen *I*) = gezzen *A*. 949 alsô *EI* = sô *A*. 951 ûf *EI* = an *A*. 977 dich *EI* = dich wol *A*. 999 der *AI* = swer *EG*.

3006 dîne liebe *A* (dîne lip *I*) = dînen willen *EG*. 41 daz *EI* = daz guote *A*. 46 daz *AI* = dâ *EG*. 53 gereit *A* = bereit *EGI*. 56 dô slief er *AI* = der slief (er slieffe *G*, der wasz entslaffen *E*). 70 niht *EGI* = dâ niht *A*. 85 ruofte *I* (rueff *E*, schrai *F*) = baten (bat in *A*). 88 dâ beslôz er *AI* = und beslôz *EGF*. 89 vaste *AI* = fehlt *EGF*. 97 dirre *AI* = der *EG*. 119 der trôst *AI* = der geistlich trôst (zw trost der gaist *E*, der gaistleich vat' *G*). 127 sô *EI* = fehlt *AG*. 145 er *Bartsch* = daz er *EG* (er do *A*, do er *I*). 155 Nû rieten sî *EI* = Dô gerietens *A*. 156 sî liezen *AI* = man lieze *E*. 160 guot ze *A* (*I*) = guot weisr und guot *E*. 162 ouch *EI* = im *A*. 166 er *AEI* = erz. 170 wort *EI* = rede *A*. 176 daz *AI* = fehlt *EG*. 189 mac *EI* = möhte *A*. 194 wart *AI* = was *BE*. 200 der ander *A* = im der ander *E* (der ander der red *I*). 208 bræhten in *AI* = in bræhten *E*. 209 Nû *EI* = Dô *A* (fehlt *G*). 225 in die *AI* = gegen der *EG*. 226 wê *AI* = harte wê *EG*. 228 ir herren *GI* = den guoten *A* (fehlt *E*). 239 bî *AEI* = saz bî *BG*. 240 saz *AEI* = fehlt (und *G*). 250 die *AI* = dise *E*. 278 gesehen *AI* = sehen *EG*. 350 diu *AG* = uns diu *E* (voh die *I*). nach 356 stand der er vil manege mit unrât da ûf dem steine erliten hât nach *E*, fehlt in *AI*. 381 fehlt *EI* = kein (dehein *A*). 397 sô *I* (also *E*) = wol *A*. 403 waz sî *AI* = wâ sî in *EG*. 404 suochen *AI* = in suochen *G* (in *E*). 414 dem *AI* = einem *EG*. 452 harte *AI* = vil *EG*. 514 billich

EI = vil billich *A*. 535 liechten sunnen schîn *EI* = liechte sunneschîn *A*. 563 ir vil *EI* = vil *A*. 567 geruochet *AI* = ruochet *E*. 570 von *AI* = daz von *E*. 586 do *EI* = nu *A*. 595 in *EI* = si *A*. 596 was *AI* = bin *E*. 622 beslozzen *AI* = verslozzen *EG*. 626 herre *G* = vil lieber herre *A* (vil salig h. *E*). 643 darnâch volgte ich *I* (dar nach erfult ich *E*) = ich volgte leider *A*. 645 brâhte iuch *AI* = half in *G* (*E*). 646 iuwer *AI* = in diu *E*. 676 was *AI* = ist *E*. 696 saget *I* (get *E*) = nû sagt *A*. 722 siufte *A* (süfzot *I*) = ersiufte *E*. 728 nâher *A* (*Bech*, *Germ.* 17, 295) = sunder (suder *E*, hin vnd her *I*). 738 wande *AI* = gemeinlich *E*. 739 ditze wære *AI* = er wære wol *E*. 746 naht *AI* = beide naht *EG*. 779 swen *Bartsch* = swen sô *E* (swen er *AI*, swer in *G*). 788 zallem *I* (zallen *A*) = allz ze (als ze *G*, all zu *E*). 796 rehten *GI* = rehtes *A*. 841 unde *AI* = fehlt *EG*. 850 von *AI* = vor *EG*. 851 entwichen was *AI* = was entwichen *EG*. begarwe *A* = garwe *EGI*. 854 genande *GI* = nande *AE*. 879 zuo ir *GI* = dô zuo ir *E* (ir do zû *A*). 883 lebende *AI* = lebendig *EG*. 894 erkandet (erchant *A*, erkantint *I*) = erkennet *EG*. 897 saget *AI* = saget mir *EG*. 907 vreude *AI* = sælde *EG*. 908 niewan müese ich in (niewan diu müse ich in *A*, wond mücht ich jnn *I*) = wan ob ich in müese (dann ob ich muste *E*, und ob ich in scholde *G*). 949 sit *I* = sit hânt (sit hat *A*, hetten *E*). 963 nû *EI* = fehlt *A*. 976 *I* (aber also stündet) = fehlt *E*. 982 wirt *EI* = enwirt. mêre (mer *E*, me *I*) = fehlt. 988 buoze bestât *EI* = ze buoze stêt. 995 hoeren oder lesen *E* = hørent ode lesent *Lachmann* (hūrent vnd lesent *I*). 996 si *EI* = ir *Lachmann*. 4004 ein als genislich ende *I* = ein sæligez ende *Benecke* (fehlt *E*).





Min herze hât betwungen
vil dicke mine zungen,
daz si des vil gesprochen hât
daz nâch der werlde lône stat.
daz rietē mir mīniu tumben jâr. 5
nû weiz ich daz wol für wâr:
swer durch des hellescher gen rât
den trôst ze siner jugent hât
daz er dar ûf sündet,
als in sîn muot schündet, 10
und er gedenket dar an
'dû bist noch ein junger man;
aller dīner missetât
der wirt noch vil guot rât,
du gebüezest in dem alter wol', 15
der gedenket anders denne er sol.
er wirt lihte entsetzet;
wande in des willen letzet
diu grôze und êhafte nôt,
sô der grimme bitter tôt 20
den fûrgedanc richet
und im daz leben brichet
mit einem snellen ende.
der gnâden ellende
hât dannē den bœsern teil erkorn. 25
und wære aber er geborn
von Adâme mit Abêle
und soltē mit im sîn sêle
weren âne sünden slac
unz an den jungesten. tac, 30

sô hæte er niht ze vil gegeben
 umb daz êwige leben,
 daz anevanges niht enhât
 und ouch niemer mê zergât.

Durch daz wære ich gerne bereit ze sprechennē die wârheit, daz ez gotes wille wære und daz diu grôze swære mîner stüntlichen bürde ein teil geringet würde,	35
die ich durch mîne müezekeit tûf mich mit worten hân geleit. wan dâ enzwîvel ich niht an: als uns got an einem man erziugēt und bewæret hât,	40
sô wart niemē missetât in der werlde sô grôz, ern werde ir ledic unde blôz, ob si in von herzen riuwet und sich niht wider niuwet.	45
von dem ich iu nû sagen wil, des schulde was grôz unde vil, daz sî vil starc ze hœrenne ist, wan daz man sî durch einen list niht verswigen getar:	50
daz dâ bî neme war alliu stüntliche gediet die der tiuvel verriet tûf den wec der helle, ob ir dehein noch welle	55
gotes kinder mêren und selbe ouch wider kêren, daz er den zwîvel lâze und sich der stûde mâze, diu manegen versenket.	60
swer sich bedenket houbethafter missetât, der er vil lîhte manege hât, tuot er danne wider dem gebote	65

	3
und verzwivelt an gote,	70
daz er ir niht enruochet	
und gnāde drumbe suochet,	
und niemer triuwet wider komen:	
sô hât der zwîvel im benomen	
den wuocher der riuwe	75
und sine grôzen triuwe,	
die er ze gote solde hân,	
buoze nâch bihte bestân.	
sô wirt der riuwe unstieze	
gedrungen under fûeze	80
ûf den gemeinlichen wec:	
der enhât stein noch stec,	
mos gebirge noch walt;	
der enhât ze heiz noch ze kalt;	
man vert in âne des lîbes nôt,	85
und leitet ûf den êwegen tôt.	
Nû ist der sælden strāze	
in eteslîcher māze	
beide rûch und enge.	
die muoz man die lenge	90
wallen unde klimmen,	
waten unde swimmen,	
unz daz sî in hin leitet	
dâ sî sich wol breitet	
und disem ellende	95
gît ein vil stiezez ende.	
den selben wec geriet ein man:	
ze rehter zît er entran	
ûz der mordære gewalt.	
er was komen in ir gehalt:	100
dâ hâten sî in nider geslagen	
und im yrevellîche entragen	
gar alliu diu sînen kleit	
und hâten im an geleit	
die marterlîchen wunden.	105
ez was zuo den stunden	
siner sêle armuot vil grôz.	
sus liezen sî in sigelôs	

unde halp für tót ligen.
 dô hâte im got niht verzigen 110
 sîner gwonlichen erbarmkeit
 und hete noch disiu zwei kleit,
 gedinge unde ouch vorhte,
 diu got selbe worhte,
 daz si ein schirm wæren 115
 allen sündæren:
 diu vorhte daz er stürbe,
 gedinge daz er niht verdürbe.
 vorhte liez in dâ niht ligen.
 doch wære er wider nider gesigen 120
 wan daz der gedinge
 machte in alsô ringe
 daz er doch werbende saz:
 dar zuo starkte in baz
 diu geistliche triuwe 125
 gemischet mit der riuwe.
 si tåten im vil guotes
 und siuberten in des muotes.
 si guzzen in die wunden sin
 beide ôl und ouch wîn. 130
 diu salbe ist senfte und tuot doch wê,
 daz ôl diu gnåde, der wîn diu ê,
 die der sûnder haben muoz:
 sô wirt im siechtuomes buoz.
 alsus huop in mit ir hant 135
 gotes gnåde als si in dô vant
 ûf ir miltez ahselbein
 und truog in durch genåde hein.
 dâ wurden im verbunden
 al sine verwunden, 140
 daz er âne mâsen genas
 und sit ein wârer kempfe was
 über alle die kristenheit.
 nû hân ich iu niht geseit,
 welhez die wunden sint gewesen 145
 der er sô kûme ist genesen,
 wie er die wunden emphie

und wie er sich der wunden begie
 ane den ewigen töt.
 des ist ze hoerenne nôt 150
 und ze merkenne in allen
 die dâ sint vervallen
 under bereswæren schulden,
 ob er ze gotes hulden
 dannoch wider gâhet, 155
 daz in got gerne emphâhet.
 wan sîner gnâden ist sô vil,
 daz er des niht enwil
 und ez gar verboten hât
 daz man durch keine missetât 160
 an im iht zwîvelhaft bestê.
 ez ist deheiniu sünde mê,
 man enwerde ir mit der riuwe
 ledic und ouch niuwe,
 schoene und ouch reine, 165
 wan der zwîvel aleine,
 der ist ein mortgalle
 ze dem ewigen valle,
 den niemen mac gestæzen
 noch wider got gebæzen. 170
 Der dise rede berihte,
 in tinsche getihtē,
 daz was von Ouwe Hartman.
 hie hebent sich von êrste an
 diu seltsænen mære 175
 von eim guoten sündære.
 Ez ist ein wâlhischez lant
 Equitânjâ genant
 Und lît dem mere unverre:
 des selben landes herre 180
 gewan bi sînem wibe
 zwei kint diu an ir lîbe
 niht schoener mohten sîn,
 einen sun und ein tohterlîn.
 der kinde muoter starp, 185
 dô si in daz leben vol erwarp.

Dô diu kint wâren komen ze zehen jâren, do begreif den vater ouch der tût. do er im sîn zuokunft enbôt,	190
sô daz er in geleite, dâ er von siecheite sich des tôdes entstuont, dô tet er sam die wîsen tuont: zehant er besande	195
die besten von dem lande den er getrûwen solde und in bevelhen wolde sîne sêle und ouch diu kint. nû daz sî fûr in kômen sint,	200
mâge man und dienstman, siniu kint diu sach er an: diu wâren geltche sô rehte wûnneclîche gerâten an dem libe	205
daz einem herten wîbe ze lachenne wære geschehen, ob sî sî müese an sehen. Daz machte sinem herzen vil bitterlîchen smerzen:	210
des herren jâmer wart sô grôz, das im der ougen regen vlôz nider ûf die bettewât. er sprach 'nu enist des niht rât, ichn müeze von iu scheiden.	215
nû solt ich mit iu beiden alrêrst vrôuden walten und wûnneclîchen alten. der trôst ist iu zergangen: mich hât der tût gevangen'.	220
nu bevalch er sî bî handen den herren von den landen die durch in dar wâren komen. hie wart grôz weinen vernomen. ir jâmer zuo den triuwen	225

schuof dâ grôz riuwen.
 alle die dâ wâren
 die begunden sô gebâren,
 als ein ingesinde guot
 umbe ir lieben herren tuot. 230

Als er diu kint weinen sach,
 zuo sînem sun er dô sprach
 'sun war umbe weinest dû?
 ja gevellet dir nû
 mîn lant und michel êre. 235
 ja fürhte ich harte sêre
 dîner schoenen swester.
 des ist mîn jâmer vester
 und begînnest nû ze spâte klagen
 daz ich bî allen mînen tagen 240
 ir dinc niht baz geschaffet hân:
 daz ist unväterlich getân'.

Er nam si beidiu bî der hant,
 er sprach 'sun, nû wis gemant
 daz dû behaltest mêre 245
 die jungesten lêre
 die dir dîn vater tæte.
 wis getriuwe, wis stæte,
 wis milte, wis diemûete,
 wis vrevele mit gûete, 250
 wis dîner zuht wol behuot,
 den herren starc, den armen guot.
 die dînen-solt dû êren,
 die vremeden zuo dir kêren,
 wis den wîsen gerne bî, 255
 vliuch den tumben swâ er si.
 vor allen dingen minne got,
 rihte wol durch sîn gebot.
 ich bevilhe dir die sêle mîn
 und ditze kint die swester dîn, 260
 daz dû dich wol an ir bewarst-
 und ir bruoderlîchen mite varst:
 sô geschiht in beiden wol.
 got dem ich erbarmen sol,

der geruoche iuwer beider pflegen'. 265
 hie mite was ouch im gelegen
 diu spräche und des herzen kraft,
 und schiet sich diu geselleschaft,
 beidiu sêle unde lîp.

hie weinte man unde wîp. 270
 ein solhe bivilde er nam,
 so es landes herren wol gezam.

Nû daz disiû richiu kint
 aus beidenthalp verweiset sint,
 der junkherre sich underwant 275
 sîner swester dâ zehant
 und pfleger so er beste mohte,
 als sînen triuwen tohte.

er volzôch ir muote
 mit lîbe und mit guote; 280
 sîne wart von im beswæret nie.
 er phlac ir sô (ich sage iu wie),
 daz er sî nihtes entwerte

swes sî an in gerte
 von kleidern und von gemache. 285

sî wâren aller sache
 gesellic und gemeine,
 sî wâren selten eine,
 sî wonten zallen zîten
 einander bî den sîten 290

(daz gezam vil wol in beiden),
 sî wâren ungescheiden
 ze tische unde ouch anderswâ.
 ir bette stuonden alsô nâ
 daz sî sich mochten undersehen. 295

man enmac im anders niht gejeihen,
 erne phlæge ir alsô wol
 als ein getriuwer bruoder sol
 sîner lieben swester:
 noch was diu liebe vester 300
 die sî im dâ wider truoc.
 wûnne heten sî genuoc.

Dô dise wûnne und disen gemacht

der werlde vîent sach,
 der durch hôchvart und durch nîft 305
 versigelt in der helle lîft,
 ir beider êren in verdrôz
 (wan sî dûhte in alze grôz),
 und erzeigte sîn gewonheit;
 wan im was ie und noch ist leit 310
 swâ iemen kein guot geschiht,
 unde enhenget sîn niht
 swâ erz mac erwenden.
 sus gedâhte er sî phenden
 ir frôuden unde ir êren, 315
 ob er möhte verkêren
 ir vrôude ûf ungewinane.
 an sîner swester minne
 sô riet er im ze verre,
 unz daz der junkherre 320
 verkêrte sîne triuwe guot
 ûf einen valschen muot.

Daz eine was diu minne
 diu im verriet die sinne,
 daz ander sîn swester schœne 325
 daz dritte des tievels hœne,
 daz vierde was sîn kintheit,
 diu ûf in mit dem tievel streit,
 unz er in dar ûf brâhte
 daz er benamen gedâhte 330
 mit sîner swester slâfen.
 wâfen, herre, wâfen
 über des hellehundes list,
 daz er uns sô geværic ist!
 war umbê verhenget im des got 335
 daz er sô manegen grôzen spot
 frumt über sîne hantgetât
 die er nâch im gebildet hât?

Dô er durch des tievels rât
 dise grôze missetât 340
 sich ze tuone bewac,
 beidiu naht unde tac

wont er ir vriuntlicher mite
 danne ê wære sîn site.
 nû was daz einvalte kint 345
 an sô getâner minne blint,
 und diu reine tumbē
 enweste niht dar umbe
 wes sî sich hûeten solde,
 und hancte im swes er wolde. 350
 nu begap sî der tiuvel nie
 unz an in sîn wille ergie.

Nû vriste erz unz an eine naht
 dô mit slâfe was bedaht
 diu juncfrouwe dâ sî lac. 355
 ir bruoder slâfes niht enpfac:
 tûf stuont der unwîse
 und sleich harte lîse
 zuo ir bette da er sî vant
 unde huop daz ober gewant 360
 tûf mît solhen sinnen
 daz sî es nie wart innen
 unz er dar under zuo ir quam
 und sî an sînen arm genam.
 ouwî waz wolde er drunder? 365
 jâ læge er baz besunder.
 ez wâren von in beiden
 diu kleider gescheiden
 unz an daz declachen.
 dô sî begunde wachen 370
 dô het ers umbevangen.
 ir munt unde ir wangen
 vant sî im sô gelfme ligen
 als dâ der tiuvel wil gesigen.

Nu begunde er sî triuten 375
 mê danne vor den liuten
 dâ vor wære sîn site.
 hie verstuont sî sich mite
 daz ez ein ernest solde sîn.
 sî sprach 'wie nû, bruoder mîn? 380
 wes wil dû beginnen?

lā dich von dīnen sinnen
 den tiuvel niht bringen.
 waz bediutet ditz ringen?
 si gedāhte 'swīge ich stille, 385
 so ergāt des tiuvels wille
 und werde mīnes bruoder brūt:
 unde werde ich aber lūt,
 sō habe wir iemmer mēre
 verlorn unser ēre.' 390
 alsus versūmte sī der gedanc,
 unz daz er mit ir geranc,
 wan er was starc und sī kranc,
 daz erz āne der guoten danc
 brāhte uf ein endespil. 395
 dā was der triuwen alze vil.
 dar nāch beleip ez āne braht.
 alsus wart sī der selben naht
 swanger bī ir bruoder.
 der tievel der schunde der luoder 400
 begunde sī mēre schūnden,
 unz daz in mit den sūnden
 lieben begunde.
 sī hālenz uf die stunde
 daz sich diu vrouwe des entstuont, 405
 sō diu wīp vil schiere tuont,
 daz sī swanger wære.
 dō wart ir vreude swære:
 wan ezn stiurte sī niht zer huote:
 sī schein in unmuote. 410
 In geschach diu geswiche
 von grōzer heimliche:
 heten sī der entwichen,
 sō wærens umbeswichen.
 nū sī gewarnet dar an 415
 ein iegelfche man
 daz er swestern noch nifteln sī
 niht ze heimliche bī:
 ez reizt daz ungevūere
 daz man wol verswūere. 420

Alsô der junge
 solhe wandelunge
 an siner swester gesach,
 er nam si besunder unde sprach
 'vil liebiu swester, sage mir, 425
 du trûrest sô, waz wirret dir?
 ich hân an dir genomen war,
 dû schînest harte riuwevar:
 des was ich an dir ungewon.'
 nû begunde si dâ von 430
 siuften von herzen,
 den angestlichen smerzen
 erzeugte si mit den ougen,
 si sprach 'des ist unlougen,
 mir engê trûrens nôt. 435
 bruoder, ich bin zwir tôt,
 an der sêle und an dem lîbe.
 ouwê mir armen wîbe,
 war zuo wart ich geborn?
 wande ich hân durch dich verlorn 440
 got und ouch die lîute.
 daz mein daz wir unz hiute
 der werlde haben vor verstoln,
 dazn wil niht mê sîn verholn.
 ich bewar vil wol daz ich ez sage: 445
 aber daz kint daz ich hie trage
 daz tuot ez wol den lîuten kunt.'
 nû half der bruoder dâ zestunt
 trûren siner swester:
 sîn jâmer wart noch vester. 450
 An disem ungewinne,
 erzeugte ouch vrou Minne
 ir swære gewonheit:
 si machet ie nâch liebe leit.
 alsam ist in erwallen 455
 daz honec mit der gallen.
 er begunde sêre weinen,
 daz houbet underleinen
 sô riuweclîche mit der hant,

als demz ze sorgen ist gewant 460
 ez stuont umb al sîn êre:
 iedoch sô klagte er mêre
 sîner swester arbeit
 danne sîn selbes leit.

Diu swester sach ir bruoder an, 465
 si sprach 'gehabe dich als ein man,
 lâ dîn wîplich weinen stân
 (ezn mac uns leider niht vervân)
 und vint uns etlichen rât,
 ob wir durch unser missetât 470
 âme gotes hulde mûezen sîn,
 daz doch unser kindelîn
 mit uns iht verlorn si
 daz der valle iht werden dri.
 ouch ist uns ofte vor geseit 475
 daz ein kint niene treit
 sînes vater schulde.

jane sol ez gotes hulde
 niht dâ mite hân verlorn,
 ob wir zer helle sîn geborn; 480
 wand ez an unser missetât
 deheiner slahte schulde hât.'

Nu begunde sîn herze wanken
 in manegen gedanken.
 eine wîle er swigende saz. 485
 er sprach 'swester, gehabe dich baz.
 ich hân uns vunden einen rât
 der uns ze staten gestât
 ze verhelne unser schande.
 ich hân in mînem lande 490
 einen harte wîsen man
 der uns wol gerâten kan,
 den mir mîn vater ouch beschiet
 und mir an sîne lâre riet,
 dô er an sînem tôde lac, 495
 wand er ouch sînes râtes phlac.
 den neme wir an unsern rât:
 ich weiz wol daz er triuwe hât:

und volge wir siner lêre,
so gestêt unser êre. 500

Diu vrouwe wart des râtes vrô.
ir vreude schuof sich alsô,
als ez ir dô was gewant:
irn was kein ganziu vreude erkant:
daz ê ir trûren wære 505
dô sî was âne swære,
daz was ir bestiu vreude hie,
daz sî niuwan ir weinen lie.
der rât behagte ir harte wol:
sî sprach 'der uns dâ râten sol, 510
bruoder, den besende gnzît,
wan mîn tac unverre lit'.

Nû wart er schiere besant:
der bote brâhte in zehant.
nû wart er schône enphangen: 515
besunder wart gegangen
in eine kemenâten,
dâ sî in râtes bâten.
alsus sprach der jungelinc:
'ich hân dich umbe swachiu dinc 520
niht dâ her besant.

ichn weiz nû niemen der mîn lant
ze disen zîten bûwe,
dem ich sô wol getrûwe.
sît dich nû got sô gêret hât 525
(er gap dir triuwe und hôhen rât),
des lâ uns geniezen.

wir wellen dir entsliezen
ein heimliche sache,
diu uns nâch ungemache 530
umb alle unser êre stât,
ezne sî daz uns dîn rât
durch got dâ von gescheide.'
sus buten sî sich beide
weinende ûf sînen fuoz. 535

er sprach 'herre, dirre gruoz
der dûhte mich ze grôz,

wære ich noch iuwer gnôz.
 stêt ûf, herre, durch got,
 lât hoeren iuwer gebot, 540
 daz ich niemer zebrechen wil,
 unde gebet der rede ein zil.
 saget mir waz iu werre;
 ir sît mîn geborner herre:
 ich râte iu sô ich beste kan; 545
 dâne gezwîvelt niemer an.'

Nû tâtens im ir sache kunt.
 er half in beiden dâ ze stunt
 weinen vor leide,
 (er meinde wol sî beide) 550
 und trôste sî harte wol,
 als man den friunt nâch leide sol
 daz nieman doch erwenden kan.
 nû sprach daz kint zem wîsen man:
 'herre, nû vint uns einen rât, 555
 der uns nû aller nâhest gât,
 sô uns nû kumet diu zît
 daz mîn swester gelst,
 wâ sî des kindes genese
 daz ir geburt verswigen wese. 560
 nû gedenke ich, ob ich wone
 die wîle mîner swester vone
 tîzerhalb dem lande,
 daz unser zweier schande
 sî verswigen deste baz.' 565

Der wîse sprach 'sô râte ich daz:
 die iuwers landes walten,
 den jungen zuo den alten
 sult ir ze hove gebieten,
 und die iuwer m vater rieten. 570
 ir sult iuch wider sî enbarn
 daz ir zehant wellet varn
 durch got zem heiligen grabe.
 mit bete gewinnet uns abe
 daz wir der vrouwen hulde swern 575
 (des beginnet sich dâ niemen wern),

daz sî des landes mûeze pflegen
 unz ir belibet under wegen.
 dâ bûezet iuwer sünde
 als iuch des got geschûnde. 580
 der lip hât wider in getân:
 den lât im ouch ze buoze stân.
 und begrift iuch dâ der tût,
 sô ist des eides harte nôt,
 daz si unser vrouwe mûeze sîn. 585
 bevelhet se ûf die triuwe mîn
 vor den herren allen
 (daz muoz in wol gevallen,
 wand ich der altist under in
 und ouch der richiste bin): 590
 sô nim ich sî hin heim zuo mir:
 al solhen gemach schaffe ich ir
 daz sî daz kint alsô gebirt
 daz des niemen innen wirt.
 Got gesende iuch wider, herre; 595
 des getrûwe ich im vil verre.
 belibet ir danne under wegen,
 so gevallet iu der gotes segen;
 zewâre sône ist niht mîn rât
 daz sî durch dise missetât 600
 der werlde iht enphliehe,
 des landes sich entziehe.
 belibet sî mit dem lande,
 ir sünde unde ir schande
 mac sî sô baz gebûezen. 605
 sî mac den armen grûezen
 mit guote und mit muote,
 bestêt sî bî dem guote.
 gebristet ir des guotes,
 sone hât sî niuwans muotes: 610
 nû waz mac danne ir muot
 gefrumen iemen âne guot?
 waz hilfet ir muot âne guot
 oder guot âne muot?
 ein teil frumt muot âne guot, 615

noch bezzer ist guot unde muot.
 von diu sô dunket mich daz guot,
 si behabe guot unde muot:
 sô mac sî mit dem guote
 volziehen dem muote: 620
 sô rihte gote mit muote
 mit lîbe und mit guote.
 ouch râte ich dir den selben muot'.
 der rât dûhte sî beide guot.
 und volgten alsô drâte 625
 sînem guoten râte.

Dô die herren über daz lant
 ze hove wurden besant,
 und daz sî für quâmen
 und ir herren vernâmen, 630
 sîner bete wart gevolget sâ.
 dem alten bevalch er dâ
 sîne swester bî der hant.
 sus gedâht er rûmen sîn lant.
 den schatz den in ir vater lie, 635
 der wart mit ir geteilet hie.

Sus schieden sî sich beide
 mit solhem herzeleide,
 und enheten sî niht gefûrhtet got,
 sî heten iemer der werlde spot 640
 gedultet für daz scheiden.
 man möhte von in beiden
 dâ grôzen jâmer hân gesehen.
 niemer mûeze mir geschehen
 alsô grôzer ungemach, 645
 als den gelieben dô geschach,
 dô sî sich muosen scheiden.
 zewâre ez was in beiden
 diu vreude alsô tiure
 sam daz is in dem viure. 650
 ein getriuwiu wandelunge ergie,
 dô sî sich muosen scheiden hie:
 sîn herze volgte ir von dan
 daz ir bestuont bî dem man.

durch nôt tet in daz scheiden wê: 655
sin gesâhen ein ander niemer mê.

Nû fuorte dirre wise man
sine juncvrouwen mit im dan
in sin hûs, dâ ir geschach
michel guot und gemach. 660
nû was diu hûsfrouwe ein wip
diu beidiu sinne unde lip
in gotes dienst hâte ergeben:
kein wip endorfte bezzer leben.
diu half in âne untriuwe steln, 665
ir vrouwen kumber heln,
so ez wibes gûete gezam,
daz ir geburt sô ende nam
daz der niemen wart gewar.
ez was ein sun daz sî gebar, 670
der guote sündære
von dem disiu mære
von allerêrste erhaben sint.
ez was ein wûnnecklichez kint.
ze des kindes gebûrte 675
was niemen zantwûrte
niewan dise vrouwen zwô.
der wirt wart dar geladet dô:
unde als er daz kint ersach,
mit den vrouwen er des jach 680
daz nie zer werlde quæme
ein kint alsô genæme.

Dô wurdens alsô drâte
under in ze râte
wie ez verholn möhte sin. 685
sî sprâchen, ditz schœne kindeln
daz wære schedelich verlorn:
nû wære aber daz geborn
mit alsô grôzen sünden,
ezn wolde in got kûnden, 690
daz sî niene westen
von allen ræten den besten.
an got sazten sî den rât,

daz er si aller missetât
 bewarte an disen dingen. 695
 dô muose in wol gelingen;
 wan im niemer missegât
 der sich ze rehte an in verlât.

Nû kom in vaste in den muot,
 in enwære niht sô guot 700
 sô daz si ez versanden ûf den sê.
 daz wart niht gevristet mê:
 der wirt huop sich verholne
 und gewan vil verholne
 ein vâzzeln vil veste 705
 und hie zuo daz beste
 daz deheinez möhte sîn.

dâ wart daz schoene kindeln
 mit manegen trahen in geleit,
 under unde über gespreit 710
 als richiu sîdiniu wât
 daz niemen bezzer hât.
 ouch wurden zuo im dar in
 geleit, als ich bewiset bin,
 zweinzic markē von golde, 715
 dâ mite man ez solde
 ziehen obez ze lande
 got iemmer gesande.

Ein tavel wart getragen dar
 der vrouwen diu daz kint gebar, 720
 diu vil guot helfenbein was,
 gezieret wol, als ich ez las,
 von golde und von gesteine,
 daz ich nie deheine
 alsô gute gewan. 725

dâ schreip diu muoter an
 sô si meiste mahte
 von des kindes ahte:
 wan si hâte den gedingen
 daz ez got solde bringen 730
 den liuten ze handen
 die got an im erkanden.

Dar an stuont geschriben sô:
 ez wære von gebürte hô;
 und diu ez gebære, 735
 daz diu sîn base wære;
 sîn vater wære sîn œhein.
 ez wære, ze helne daz mein,
 versant ûf den breiten sê.
 dannoch schreip sî im mê 740
 daz man ez toufen solde
 und ziehen mit dem golde;
 und ob sîn vindære
 alsô kristen wære,
 daz er im den schatz merte 745
 und in ouch diu buoch lêrte,
 sîne tavel im behielte
 und im der schrift wielte,
 wûrde er immer ze man,
 daz er læse daran 750
 alle dise geschiht.
 sô überhûebe er sich niht:
 unde wûrde er alsô guot
 daz er ze gote sînen muot
 wenden begunde, 755
 sô buozte er zaller stunde
 durch sîner triuwen rât
 sînes vater missetât,
 und daz er ouch der gedæhte
 diu in zer werlde bræhte. 760
 des wære in beiden nôt
 vûr den êwigen tôt.
 im enwart dâ benant
 weder liute noch lant,
 geburt noch sîn heimuot, 765
 daz was ouch in ze helne guot.
 Dô der brief was gereit,
 dô wart diu tavele geleit
 zuo im in daz kleine vaz.
 dô besluzzen sî daz 770
 mit solher gewarheit

daz deheiner slahte leit
 geschæhe dem kinde
 von regen noch von winde
 noch von der ûnden vreise 775
 ûf der wazzerreise
 ze zwein tagen oder ze drin.
 alsus truogen sî ez hin
 bî der naht zuo dem sê:
 vor dem tage enmohtens ê: 780
 dâ fundens eine barke
 ledege unde starke:
 dâ leiten sî mit jâmer an
 disen kleinen schefman.
 dô sande in der sûeze Krist, 785
 der bezzer dennê genædic ist,
 den vil rehten wunschwint:
 sî stiezen an, hin vlôz daz kint.

Ir wizzet wol daz ein man
 der ir iewederz nie gewan, 790
 rehte liep noch herzeleit,
 dem ist der munt niht sô gereit
 rehtê ze sprechennê dâ von,
 sô dem der ir ist gewon.
 nû bin ich gescheiden 795
 dâ zwischen von in beiden,
 wan mir iewederz nie geschach,
 ichn gewan nie liep noch ungemach,
 ich lebe ûbele noch wol.
 dâ von enmac ich als ich sol 800
 der vrouwen leit entecken
 noch mit Worten errecken;
 wan ez wære von ir schaden
 tûsent herze ûberladen.

Der leide wâren driu alwâr 805
 diu diu vrouwe aleine gar
 mit senften in ir herzen truoc,
 der iegelfches wære genuoc
 vil maneges wîbes herzen.
 sî truoc den einen smerzen 810

von dem meine daz si begie
 mit ir bruoder den si lie.
 der siechtuom der ander was,
 daz si des kindes genas.
 daz dritte was diu vorhte 815
 die ir der jâmer worhte
 nâch ir lieben kinde,
 daz si dem wilden winde
 het bevolhen ûf dem sê,
 und enweste niht, wiez dem ergê, 820
 weder ez genæse od læge tôt.
 si was geborn ze grôzer not:
 noch enwas ez niht gescheiden
 mit disen drin leiden.
 unmanic tac ende nam 825
 unze ir böese mære quam
 und der grœzest ungemach
 der ir an ir leben ie geschach,
 daz ir bruoder wære tôt.
 der tôt kom im von seneder nôt. 830
 Dô si von ir bruoder schiet
 als in der wise beiden riet,
 nu begunde er siechen zehant
 (des twanc in der minne bant),
 und muose belîben sîn vart 835
 der er durch got enein wart.
 sîn jâmer wart sô vester
 nâch sîner lieben swester
 daz er zeheiner stunde
 sich getrœsten kunde 840
 alsus dorret im der lîp.
 swie si doch jehen daz diu wîp
 sêrer minnen dan die man,
 desn ist niht. daz schein dar an:
 wande sîn herzeleit, 845
 daz im fûr was gespreit,
 daz was dâ wider kleine,
 niewan diu minne eine,
 diu im ein zil des tôdes was:

der het sî vieriu und genas. 850
 sus ergreif in diu senede nôt
 und lac vor herzeriuwe tôt.

Ditz mære wart ir kunt getân,
 dô sî ze kirchen solde gân,
 rehte dâ vor drîer tage. 855

nû vuor sî hin mit grôzer klage
 und begruob ir bruoder und ir man.
 dô sî daz lant zuo ir gewan
 unde daz ze mære erschâl
 in den landen über al, 860

vil manic rîcher herre
 nâhen unde verre
 die gerten ir ze wîbe.
 an gebûrte und an lîbe,
 an rîcheit und an jugende 865

an schœne und an tugende,
 an zuht unde an gûete,
 und an allem ir gemûete,
 sô was sî guotes mannes wert:
 doch wurdens alle entwert. 870

Si hete zuo ir minne erwelt
 weizgot einen starken helt,
 den aller tiuristen man
 der ie mannes namen gewan.
 vor dem zierte sî ir lîp 875

als ein minne gerndez wîp
 ûf einen biderben man sol,
 dem sî gerne behaget wol.
 swie vaste ez sî wider dem site
 daz dehein wîp mannes bite, 880

sô lac sî im doch allez an,
 sô sî des state gewan,
 mit dem herzen zaller stunde
 unde ouch mit dem munde:
 ich meinê den gnâdigen got. 885
 sît daz ir des tiuvels spot
 sine hulde het entworht,
 daz hâte sî sô sêre ervorht

daz sî vreude und gemach
 durch sîne hulde versprach, 890
 sô daz sî naht unde tac
 solher unmuoze phlac
 diu dem lîbe unsamfte tete.
 beide mit wachen und mit gebete,
 mit almuosen und mit vasten 895
 eplie sîn lîp nie gerasten.
 diu wære riuwe was dâ bî,
 diu aller sünden machet vrf.

Nû was ir ein herre
 gesezzen unverre, 900
 des namen ir vil wol gelich,
 beidiu edel unde rich:

der leite sînen vliz dar an
 daz sî in næme ze man.
 und dô er sîn reht getete 905
 mit boteschaft und mit bete

als erz versuochen solde,
 und sî sîn niene wolde,
 nû wânde er sî gewinnen sô:
 mit urlinge und mit drô 910
 sô bestuont er sî zehant
 und verwuoste ir daz lant.

er gewan ir abe die besten
 stete und die vesten,
 unz er sî gar vertreip, 915
 daz ir niht beleip
 niuwan ir houbetstat.

diu was ouch alsô besat
 mit tægelicher huote
 ezn welle got der guote 920
 mit sînen gnâden understân,
 sî muoz ouch die verlorn hân.

Nû lâzen dise rede hie,
 und sagen wie ez ergie
 dirre vrouwen kinde, 925
 daz die wilden winde
 wurfen swar in got gebôt,

in daz leben ode in den töt.
 unser herre got der guote
 underwant sich sin ze huote, 930
 von des genâden Jônas
 ouch in dem mere genas,
 der drîe tage und drîe naht
 in dem wâge was bedaht
 in eines visches wamme. 935
 er was des kindes amme
 unz daz erz gesande
 wol gesunt ze lande.

In zwein nahten und in einem tage
 kom ez von der tûnden slage 940
 zuo einem guoten lande,
 als ez got dar gesande.
 ein klôster an dem stade lac,
 des ein geistlich abbet phlac.
 der gebôt zwein vischæren 945
 daz sî benamen wæren
 vor tage vischen ûf den sê.
 dô tet in daz weter wê:
 der wint wart alsô grôz
 daz sî kleine noch grôz 950
 mohten gevâhen.
 sî begunden wider gâhen.
 in der widerreise
 fundens ûf der freise
 sweben des kindes barke. 955
 nû wundert sî vil starke
 wie sî dar komen wære
 alsô gar liute lære.
 sî zugen darzuo sô nâhen
 daz sî darinne sâhen 960
 ligen daz wênige vaz.
 dar ûz huoben sî daz
 und leitenz in das schef zuo in:
 diu barke ran lære hin.
 Daz wintgestœze wart sô grôz 965
 daz sî ûf dem sê verdrôz.

diu state enmohte in niht geschehen
 daz sî hâten beschen
 waz in dem vazze wære.
 daz was in aber unmære: 970
 wan sî hâten des gedâht,
 sô siz ze hûse hâten brâht,
 sô sâhen sî mit gemache
 ir fundene sache.
 sî wurfen drüber ir gewant 975
 und zugen vaste an daz lant.
 Hie mite kurn sî den tac.
 der abbet der der zelle phlac,
 gie kurzwillen zuo dem sê,
 er alters eine und nieman mê. 980
 er wartē der vischære,
 welch ir gelücke wære.
 dô fuoren sî dort zuo.
 des dûhtē den abbet alze vruo:
 er sprach 'wiestz iu ergangen?
 habt ir iht gevangen?' 985
 sî sprâchen 'lieber herre,
 wir wâren alze verre
 gevaren ûf den wilden sê:
 uns wart von weter nie so wê: 990
 uns was der tôt vil nâch beschert,
 wir haben den lîp vil kûme ernert.'
 er sprach 'nû lât die rede wesen:
 got lobe ich daz ir sît genesen'.
 und als sî kômen an daz stat, 995
 der abbet im dô sagen bat,
 er sprach, waz ez möhte sîn:
 dâ meinde er daz vâzzeln
 daz mit dem gewande was gespreit.
 diu vrâge was in beiden leit, 1000
 und sprâchen wes ein herre
 frâgte alsô verre
 umb armer liute sache
 in beiden ze ungemache.
 dô reichte er dar mit dem stabe, 1005

daz gewant warf er abe
 und sach daz wênige vaz.
 er sprach 'wâ nâmet ir daz?'
 nu gedâhten sî maneger lügen,
 wie sî den abbet betrügen, 1010
 und wolden imz entsaget hân,
 und hæten daz ouch wol getân,
 wan daz ers wart innen
 von unsers herren minnen.

Dô er die vrâge wolde lân 1015
 und wider in sîn klôster gân,
 do erweindē daz kint vil lûte
 und kuntē dem gotes trûte
 daz ez dâ inne wære.

dô sprach der gewære 1020
 'hie ist ein kint inne.

sagt mir in der minne,
 wâ habet irz genomen?
 wie ist ez iu zuo komen?
 daz wil ich wizzen, crêde mich.' 1025

dô bedâhten sî sich
 und sagten im als ich iu ê,
 wie sî ez vunden ûf dem sê.
 nû hiez erz heven ûf den sant
 unde lœsen abe diu bant. 1030
 dô sah er ligen dar inne
 seltsænē gewinne,
 ein kint, daz im sîn herze jach
 daz er sô schœnez nie gesach.

Der ellende weise, 1035

wand er deheine vreise
 gefürhten niene kunde,
 mit einem sūezen munde
 sô lachte er den abbet an.
 und alsô der gelêrte man 1040
 an sīner tavele gelas
 wie daz kint geborn was,
 daz manz noch toufen solde
 und ziehen mit dem golde,

daz kunde er wol verswigen. 1045
 ze gote begunde er nigen,
 ze himel huop er tougen
 die hende und diu ougen,
 und lobete got des fundes
 und des kindes gesundes. 1050

Daz kindeln si vunden
 mit phelle bewunden,
 geworht ze Alexandrie.
 nû westen ez die drîe:
 ezn wart fûrbaz niht gebreit. 1055
 ouch saget uns diu wârheit
 von den vischæren
 daz si gebruoder wæren.
 die muosten im beide
 mit triuwen und mit eide 1060
 vil wol bestæten daz,
 si ensagtenz nimmer fûrbaz.

Die bruoder wæren ungelîch,
 der einê was arm, der ander rich.
 der arme bi dem klôster saz, 1065
 der rîche hin dan baz
 wol über einer mîle zil.
 der arme hete kinde vil:
 der rîche nie deheinze gewan,
 wan ein tochter, diu hete man. 1070
 nû wart der abbet enein
 vil guoter fuoge mit den zwein,
 daz sich der ermer man
 næme daz kint an
 und daz dâ nâhen bi im zûge, 1075
 und den liuten alsus lûge,
 swer in ze deheiner stunde
 frâgen begunde
 wâ er daz kint hete genomen,
 daz ez im wære komen 1080
 von sînes bruoder tochter
 (deheinen list enmohter
 erdenken sô gefûegen);

unde daz si ez trüegen,
sô sî wol gebiten sît 1085

unze nâch der messezeit,
und man den abbet bæte
daz er sô wol tæte
und daz kint selbe toufte
und dâ mite koufte 1090

got unde ir dienesthaften muot.
der rât was gevüege und guot.

Dô nam der abbet dâ den rât,
daz golt und die sîdine wât,
und gab dem armen dô zehant, 1095
der sich des kindes underwant,
zwô marke von golde,

daz erz ziehen solde;
dem andern eine marke,
daz er ez hæle starke. 1100

daz ander truog er von dan,
der vil sælige man.

vil wol behielt er im daz.
dêswâr erne möhte baz;
wand erz ze gewinne kêrte, 1105
unz er imz wol gemêrte.

Der arme vischær niht enliez
ern tæte als in sîn herre hiez.
dô im der mitter tac quam,
daz kint er an den arm nam: 1110

sîn wîp gie im allez mite
nâch geburtlichem site
ze klôster, da er den abbet sach
bî sinen bruodern. er sprach
'herre, iu sendent dîtze kint 1115

lûte die iu willie sint,
mîns bruoder tochter unde ir man,
und geloubent starke dar an,
ob ir ez selbe toufet,
dem kinde sî gekoufet 1120
dâ mit ein sæligez leben,
und ruocht im iuwern namen geben.'

Diu bete was der münche spot.
 sî sprâchen 'seht (sô helfe iu got)
 ze disem biurischen man, 1125
 wie wol er sîne rede kan.'
 der herre enphie die rede wol,
 als der diemüete sol.
 und als er daz kint ersach,
 vor sîner bruoderschaft er jach 1130
 'ez ist ein sô schœne kint:
 sît sî des gotes hûses sint,
 dêswar wir suln inz niht versagen.'
 daz kint hiez er ze toufe tragen.
 er huop ez selbe und hiez ez sus, 1135
 nâch sînem namen, Grêgôrjus.

Dô daz kint die toufe enphie,
 der abbet sprach 'sît ich nû hie
 sîn geistlich vater worden bin,
 durch mînes heiles gewin 1140
 sô wil ich ez iemmer hân
 (ez ist sô sæleclîch getân)
 vil gerne an mînes kindes stat.'
 vil minneclîche er dô bat
 den sînen vischære 1145
 daz er sîn vlîzec wære:
 er sprach 'nû ziuch mirz schône,
 daz ich dirs immer lône.'
 daz kint hulfen starke
 die sîne zwô marke, 1150
 daz man sîn desten baz phlac:
 ouch lie der herre unmanegen tac
 ouch wolde selbe spehen
 wie daz kint wære besehen.

Dô der vischær und sîn wip 1155
 über des sîezen kindes lîp
 sô rehte vlîzie wâren
 unz ze sehs jâren,
 der abbet nam ez dô von in
 zuo im in daz klôster hin, 1160
 und kleidet ez mit solher wât

diu pfeffichen stât,
 und hiez ez diu buoeh lêren.
 swaz ze triuwen unde ze êren
 und zaller frûmecheit gezôch, 1165
 wie lûtz el ez dâ von vlôch!
 wie gerne ez âne slege mit bete
 sînes meisters willen tete!
 ezn lie sich niht betrâgen
 ezn wolde dingelîchs vrâgen 1170
 diu guot ze wîzzenne sint,
 als ein sâligez kint.

Diu kint diu vor drin jâren
 zuo gesetzet wâren,
 mit kunst ez diu sô schiere ervuor 1175
 daz der meister selbe swuor
 er gesâhe von aller hande tugent
 nie sô sinnerfiche jugent.
 er was (da enluge ich niht an)
 der jâre ein kint, der witze ein man. 1180

An sîme einleften jâre
 dône was ze wâre
 kein bezzer grâmaticus
 dan daz kint Grêgôrjus.
 dar nâch in den jâren drin 1185
 dô gebezzert sich sîn sîn
 alsô daz im divinitas
 gar durhliuhtic was:
 diu kunst ist von der gotheit.
 swaz im fûr wart geleit 1190
 daz lip und sêle frumend ist,
 des ergreif er ie den besten list.
 dar nâch las er von lêgibus,
 und daz kint wart alsus
 in dem selben liste 1195
 ein edel lêgiste:
 diu kunst sprichet von der ê.
 er hete noch gelernet mê,
 wan daz er wart geirret dran
 als ich iu wol gesagen kan. 1200

Ez leit der vischære
 von armuot grôze swære.
 sîne huobe lâgen ûf dem sê;
 des wart sîn lîbe dicke wê,
 wand er sich alsus nerte, 1205
 sîniu kint erwerte
 dem bitterm hunger alle tage
 niewan mit sînem bejage,
 ê er daz kint funde. 1210
 ouch wart dâ zestunde
 wol gesenftet sîn leben.
 dô im wurden gegeben
 von golde zwô marke,
 dô bezzerten sich starke
 alle sîne sache 1215
 an gereite und an gemache.
 nu enlie sîn ungewizzen wip
 nie gernowen sînen lîp
 von tâgelicher vrâge.
 sî sazte im manege lâge, 1220
 ir liste kêrte sî dar zuo
 beidiu spâte unde vruo
 wie sî daz vernæme
 von wanne daz golt quæme.
 vil manegen eit sî im swuor, 1225
 unz sî an im ervuor
 von wanne im daz golt was komen,
 als ir wol habt vernomen.
 dô daz wîp wol bevant
 daz ez niemen was erkant 1230
 wer Grêgôrjus wære,
 nune brâhte sîz niht ze mære,
 und truog ez schône, daz ist wâr,
 unz an sîn funfzehende jâr.
 Nû het diu vrouwe Sælicheit 1235
 allen wîs an in geleit
 ir vil stætigem marc.
 er was schône unde starc,
 er was getriuwe unde guot

und hete gedultigen muot. 1240
 er hete künste genuoge,
 zuht und gefuoge.

er hete unredelichen zorn
 mit senftem muote verkorn.
 alle tage er friunt gewan, 1245
 und verlôs dar under nieman.
 sine vreude und sîn klagen
 kund er ze rehter mâze tragen.

lêre was er undertân,
 und milte des er mohte hân, 1250
 genendic swâ er solde,
 ein zage swâ er wolde,
 den kinden ze mâze
 ûf der wisen strâze.

sîn wort gewan nie widerwanc. 1255
 ern tet niht âne fûrgedanc,
 als im diu wisheit gebôt:
 desn wart er nie schamrôt
 von deheiner siner getât.
 er suochte gnâde unde rât 1260
 zallen ziten an got,
 und behielt starke sîn gebot.

Got erlaubte dem Wunsche über in
 daz er lîp unde sîn
 meisterte nâch sînem werde. 1265

swâ von ouch ûf der erde
 dehein man ze lobenne geschiht,
 desn gebrast ouch an im niht.
 der Wunsch het in gemeistert sô
 daz er sîn was ze kinde vrô: 1270

wande er nihtes an im vergaz:
 er heten geschaffet, kunde er, baz.
 die lîute dem knappen jâhen,
 alle dien gesâhen,
 daz von vischære 1275

nie geborn wære
 dehein jungelinc sô sælden rîch:
 ez wære harte schädelfîch

daz man in niht mähete
geprisen von geslächte: 1280
und jâhen des ze stæte,
ob erz an gebürte hæte,
sô wære wol ein rîche lant
ze siner frûmecheit bewant.

Nu geviel ez eines tages sus 1285
daz der knappe Grêgôrjus
mit sinen spilgenôzen quam
dâ in spilnes gezam.

nû fuogtē sich ein wunderlîch geschiht
(ezn kom von sinem willen niht): 1290

er tet (daz geschach bî einem sê)

des vischærs kinde alsô wê

daz ez weinen began.

sus lief ez schriende dan.

als diu muoter daz vernam 1295

daz ez sus weinende quam,

ir kinde sî entgegen lief,

in grôzen unsiten sî rief

‘sich, wie weinest dû sus?’

‘dâ sluoc mich Grêgôrjus.’ 1300

‘war umbe hât er dich geslagen?’

‘muoter, ich kan dirs niht gesagen.’

‘tæte dû ime iht?’

‘muoter, weizgot nein ich niht.’

‘war ist er nû?’ ‘bî jenem sê.’ 1305

‘wê mir armen wîbe, wê!

er tumber gouch vil betrogen!

hân ich daz an im erzogen

daz er mir bliuwet miniu kint,

sô wol sî hie gefriunt sint? 1310

dînen friunden zimet daz niht wol

daz ich diz laster dulden sol

von einem sô gewanten man,

der nie mäge hie gewan.

daz dich getar gebliuwen der 1315

der sich hât verrunnen her,

daz ist mir iemmer leit.

wan daz man imz durch got vertreit,
 man dulte ez vil unlange vrist.
 jane weiz nieman wer er ist. 1320
 und ist daz ich nû leben sol,
 ich sag ez al der werlte wol
 daz er ein funtkint ist
 (sô helfe mir der heilege Krist),
 swie hôhe er nu sî gesezzen. 1325
 des hât er gar vergezzen
 daz er so jâmerlîch wart funden
 in ein vaz gebunden
 in einer barke ûf dem sê.
 sol er mîm kinde tuon wê, 1330
 man dultet ez unlange vrist.
 jane weiz hie nieman wer er ist.
 wê mir, wes ist im gedâht?
 der tiuvel hât in her brâht
 mir ze einer harnschar. 1335
 ja erkenne ich sîn geverte gar,
 er fundene dûrftige.
 wan wolde er daz man verswige
 sîn schântliche sache?
 sô lebte er mit gemache. 1340
 die vische sîn verwâzen,
 daz sin niene vrâzen,
 do er ûf den sê geworfen wart.
 er ergreif ein sælige vart,
 daz er dem abte zuo quam. 1345
 wan daz ern dînem vater nam
 und sîn almuosenære ist,
 sô müese er uns, wizze Krist,
 anders undertænic sîn:
 er müese uns rinder und swîn 1350
 triben ûz unde in.
 war tet dîn vater sînen sîn,
 do er in mit frostiger hant
 ûf dem gemeinen sê vant,
 daz er in dem abbte liez 1355
 und in im selben niene hiez

dienen sam durch allez reht
tæte sîn schale und sîn kneht?'

Grêgôrjus, do er daz kint gesluoc,
dar umbe was er riuwec gnuoc, 1360

und lief im ze hûse nâch.

dar umbe was im alsô gâch

daz er des sêre vorhte

daz im daz kint entworhte

siner ammen minne. 1365

nu erhôrte er sî dar inne

schelten âne mâze.

nu gestuont er an der strâze,

unz er den itwîz vernam

und unverwister dinge quam 1370

gar an ein ende,

daz er ellende

wære in dem lande,

wan sî in dicke nande.

sîn vreude wart verborgen 1375

in disen niuwen sorgen.

er gedâhte im grôzer swære,

ob disiu rede wære

ein lûge ode ein wârheit,

die sîn amme hete geseit, 1380

unde gâhte dô zehant

ze klôster, da er den abbet vant,

und nam den getriuwen man

von den liuten sunder hin dan.

Er sprach 'mîn vil lieber herre, 1385

ich kan iu niht sô verre

genâden mit dem munde,

als, ob ich kunde,

vil gerne tæte.

nu belibe ich dar an stæte 1390

daz ich unz an mînes tôdes zil

den dar umbe bitten wil

der deheiner guottât

niemer ungelônnet lât,

daz er iu lône 1395

mit der himelischen krône
 (dêswâr des hab ich michel reht)
 daz ir mich ellenden kneht
 von einem funden kinde
 für allez iuwer gesinde 1400
 sô zartlîchen habt erzogen.
 leider ich bin des betrogen,
 ichn bin niht der ich wânde sîn.
 nû sult ir, lieber herre mîn,
 mir durch got gebieten. 1405
 ich sol und muoz mich nieten
 nôt und angest. (daz ist reht)
 als ein ellender kneht.
 Mir hât mîn amme des verjehen
 (in einem zorn ist daz geschehen) 1410
 daz ich funden bin.
 beidiu lîp unde sîn
 benimt mir diu unêre,
 vernim ichs iemmer mêre.
 ichn hœre sî weizgot niemer mê, 1415
 wand ich niht langer hie bestê.
 jâ vinde ich eteswâ daz lant
 daz dâ niemen ist erkant
 wie ich her komen bin.
 ich hân die kunst und ouch den sîn, 1420
 ich genise wol, wil ez got.
 sô sêre fürhte ich den spot:
 ich wold ê sîn dâ niemen ist,
 ê daz ich für dise vrist
 belibe hie ze lande. 1425
 ja vertribet mich diu schande.
 diu wîp sint sô unverdagt:
 sît sî ez einer hât gesagt,
 sô wizzen ez vil schiere
 drîe oder viere 1430
 und dar nâch alle die hie sint.
 Der abbet sprach 'vil liebez kint,
 nû hœre: ich wil dir râten wol,
 als ich mînem lieben sol,

den ich von kinde gezogen hân. 1435
 got hât vil wol zuo dir getân:
 er hât von sînen minnen
 an lîbe unde an sinnen
 dir vil vrie wal gegeben,
 daz dû nû selbe dîn leben 1440
 maht koufen unde kâren
 ze schanden ode ze êren.
 nû muost dû disen selben strît,
 in disen jâren, ze dirre zît,
 under disen beiden 1445
 nâch dîner kûr scheiden,
 swaz dû dir wilt erwerben,
 genesen ode verderben,
 daz dû des nû beginnen solt.
 sun, nû wis dir selben holt, 1450
 und volge mîner lère
 (sô hâst dû tugent und êre
 für laster und für spot erkorn),
 daz dir durch dînen tumben zorn
 der werke iht werde sô gâch 1455
 daz ez dich geriuwe dar nâch.
 Dû bist ein sælic jungelinc,
 ze wunsche stênt dir dîniu dinc,
 dîn begin ist harte guot,
 die liute tragent dir holden muot 1460
 die in disen landen sint.
 nû volge mir, mîn liebez kint.
 dû bist der pfafheit gewon:
 nû enziuch dich niht dâ von.
 dû wirst der buoche wise: 1465
 sô bin ich der jâre grise,
 mîn lîp ist schiere gelegen:
 nû wil ich dir für wâr verpflegen
 daz ich dir nû erwirbe,
 swenn ich hernâch erstirbe, 1470
 umb unser samenunge,
 alte unde junge,
 daz sî dich nemen ze herren.

nû waz mac dir gewerren
 einer tœrinne klaffen? 1475
 ouch trûwe ich wol geschaffen
 daz diu rede fûr dise stunt
 nimmer kumt vûr ir munt.
 Grêgôrjus sprach 'herre,
 ir habet got vil verre 1480
 an mir armen gêret
 und iuwer heil gemêret
 und nû daz beste fûr geleit.
 nû ist mir mîn tumpheit
 alsô sêre erbolgen, 1485
 sine lât mich iu niht volgen.
 mich vertribent drîe sache
 ze mînem ungemache
 ûz disem lande.
 diu eine ist diu schande 1490
 die ich von itwîze hân.
 sô ist diu ander sô getân,
 diu mich ouch verjaget hin:
 ich weiz nû daz ich niene bin
 disse vischæres kint. 1495
 waz ob mîne vordern sint
 von solhem geslehte
 daz ich wol werden mehte
 ritter, ob ich hæte
 den willen und daz geræte? 1500
 weiz got nû was ie mîn muot,
 hæte ich geburt und daz guot,
 ich wûrde gerne ritter.
 daz stæze honec ist bitter
 einem ieglichen man 1505
 der sîn geniezen niene kan.
 ir habt daz stæzeste leben
 daz got der werlde hât gegeben:
 swer imz ze rehte hât erkorn,
 der ist sælic geborn. 1510
 ich belibe hie lîhte stæte,
 ob ich den willen hæte

- des ich leider niht enhân.
 ze ritterscheftē stêt mîn wân.
 'Sun, dîn rede enist niht guot: 1515
 durch got bekêre dînen muot.
 swer sich von pfaffen bilde
 gote machet wilde
 unde ritterschaft begât,
 der muoz mit maneger missetât 1520
 verwürken sêle unde lip.
 swelch man ode wip
 sich von gote wendet,
 der wirt dâ von geschendet
 und der helle verselt. 1525
 sun, ich hete dich erwelt
 ze einem gotes kinde:
 ob ich ez an dir vinde,
 des wil ich immer wesen vrô.'
 Grêgôrjus antwurte im dô 1530
 'Ritterschaft daz ist ein leben,
 der im die mâze kan geben,
 sone mac niemen baz genesen.
 er mac gotes ritter gerner wesen
 dann ein betrogen klôsterman.' 1535
 'sun, nû fürhte ich dîn dar an:
 dune kanst ze ritterschaft niht:
 sô man dich danne gesiht
 umbehendeclîchen rîten,
 sô muost dû ze allen zîten 1540
 dulten ander ritter spot.
 noch erwint, vil lieber sun, durch got.'
 'herre, ich bin ein junger man
 und lerne des ich niht enkan.
 swar ich die sinne wenden wil, 1545
 des gelerne ich schiere vil.'
- 'Sun, mir saget vil maneger munt,
 dem ze ritterschaft ist kunt,
 swer dâ ze schuolē belibe
 unz er dâ vertribe 1550
 ungeriten zwelf jâr,

der müeze iemmer für wâr
 gebâren nâch den pfaffen.
 dû bist vil wol geschaffen
 ze einem gotes kinde 1555
 und ze kôrgesinde:
 diu kutte gestuont nie manne baz.
 'herre, nû versuoht ouch daz,
 und gebet mir ritterliche wât:
 dêswâr ob sî mir missestât, 1560
 sô gan ich ir wol eim andern man
 und lege die kutten wider an.
 herre, iu ist vil wâr geseit:
 ez bedarf vil wol gewonheit
 swer guot ritter wesen sol. 1565
 ouch hân ich ez gelernet wol
 von kinde in mînem muote hie:
 ezn kom ûz mînem sinne nie.
 ich sage iu, sît der stunde
 daz ich bedenken kunde 1570
 beidiu übel unde guot,
 sô stuont ze ritterschaft mîn muot.
 iehn wart nie mit gedanke
 ein Beier noch ein Franke.
 swelch ritter ze Henegöuwe, 1575
 ze Brâbant und ze Haspengöuwe,
 ze orse ie aller bestê gesaz,
 sô kan ichz mit gedanken baz.
 herre, swaz ich der buoche kan,
 dâne gerou mich nie niht an 1580
 und kunde ir gerne mêre:
 iedoch sô man mich sêre
 unz her ze den buochen twanc,
 sô turnierte mîn gedanc.
 sô man mich der buoche wente, 1585
 wie sich mîn herze sente
 und mîn gedanc spilte
 gegen einem schilte!
 ouch was mir ie vil ger
 für den griffel zuo dem sper, 1590

für die veder ze dem swerte.
 daz ist des ich ie gerte.
 minen gedanken wart nie baz
 danne sô ich z' orsê gesaz
 und den schilt ze halse genam, 1595
 und daz sper ze hant alsam,
 und daz undern arm gesluoc,
 und mich daz ors von sprunge truoc.
 sô liez ich schenkel vliegen:
 die kunde ich sô gebiegen 1600
 daz ich daz ors mit sporn sluoc,
 weder ze der lanke noch in den buoc,
 dâ hinder eines vingers breit
 dâ der surzengel ist geleit.
 neben der mane vlugen diu bein, 1605
 ob des sateles ich schein
 als ich wære gemâlet dar.
 ders möhte hân genomen war,
 mit guoter gehabe ich reit
 âne des lîbes arbeit: 1610
 ich gab im senften gelimpf
 als ez wære mîn schimpf.
 und sô ich mich mit sporen vleiz
 âf einen langen puneiz,
 sô kunde ich wol gewenden 1615
 daz ros ze beiden henden.
 gejustierte ich ie wider keinen man,
 dâ gevâlte ich nie an,
 mîn merken würde wol bewant
 ze den vier nageln gegen der hant. 1620
 nû helfet, lieber herre, mir
 daz diu ritterlîche gir
 mit werken müeze volgân:
 sô habt ir wol zuo mir getân.'
 'Sun, dâ hâst mir vil geseit, 1625
 manic diutsch wort für geleit,
 daz mich sêre umbe dich
 wundern muoz, crêde mich,
 und weiz niht war zuo daz sol,

ich vernæme kriechisch alsô wol. 1630
 unser meister, der dîn phlac
 mit lêre unz an disen tac,
 von dem hâst dūs niht vernomen.
 von swannen sf dir zuo sîn komen,
 dū bist, daz merke ich wol dar an, 1635
 des muotes niht ein klôsterman.
 nū wil ich dichs niht wenden mê.
 got gebe daz ez dir wol ergê,
 und gebe dir durch sîne kraft
 heil zuo dīner ritterschaft.' 1640

Nū schuof er daz man im sneit
 von dem selben phelle kleit,
 den er dā bī im vant:
 ezn kom nie bezzer in daz lant.
 er sach wol daz im wære gâch, 1645
 unde machte in dar nâch
 ritter als im wol tohte
 sô er schierest mohte.

Grêgôrjus, dô er ritter wart,
 dannoch heter im niht enbart 1650
 umb sîne tavel und umb sîn golt.
 er was im alsô starke holt
 daz erz in hal durch einen list:
 er gedâhte 'sīt er nū ritter ist
 und er des guotes niene hât, 1655
 sô hœrt er lîhte mīnen rât
 und belîbet noch dur guot gemach.'
 er versuocht ez aber unde sprach
 'noch belîbe, lieber sun, bī mir.
 dēs wâr ich gefüege dir 1660
 ein alsô rîche hîrât
 diu wol nâch dīnem willen stât,
 unde gibe dir al die vrist
 daz dū vil schône varende bist.
 dū hâst gewonnen ritters namen: 1665
 nu muost dū dich dīner armuot schamen.
 nū waz touc dīn ritterschaft,
 dune hetes guotes die kraft?

- nû kumst dû in dehein lant
 dâ dû iemen sîst erkant: 1670
 dane hâst dû vriunt noch vorder, habe:
 sich, dâ verdirbest dû abe.
 noch bekêre dînen muot,
 und belîp: daz ist dir guot.'
- Grêgôrjus sprach 'herre, 1675
 versuochez niht sô verre.
 wold ich gemach für êre,
 sô folgte ich iuwer lêre
 und lieze nider mînen muot:
 wan mîn gemach wære hie guot. 1680
 jâ tuot ez manegem schaden
 der der habe ist überladen:
 der verlît sich durch gemach;
 daz dem armen nie geschach,
 der dâ rehte ist genuot: 1685
 wandê der urbort umbe guot
 den lîp manegen enden.
 wie möhte erz baz gewenden?
 wan ob er sich gewirden kan,
 er wirt vil lîhte ein sælic man 1690
 und über alliu diu lant
 für manegen herren erkant.
 daz ich heize ein arm man,
 dâ bin ich unschuldec an.
 ich trage sî alle samt hie, 1695
 die huoben die mir mîn vater lie.
 sî ez mir sô geziuhet
 daz diu Sælde von mir vliuhet
 und ich niewan ir gruoze
 mit frumecheite dienen muoz, 1700
 dêswâr ich kan sî wol erjagen,
 sine welle sich mir mê versagen
 dan si sich noch iemen versagte
 der sî ze rehte jagte.
 sus sol man sî erloufen, 1705
 mit kumber sælde koufen.
 dâne zwîvel ich niht an,

wird ich ein rehte frumer man
 an lîbe unde an sinne,
 ich gediene wol ir minne: 1710
 unde bin ich aber ein zage,
 sone mûeze ich niemmer drie tage
 geleben, so ich hinnen kêre.
 waz solde ich âne êre?

ob ich mit rechter arbeit, 1715
 mit sinne und mit manheit,
 erwirbe guot und êre,
 des prîset man mich mêre
 dan dem sîn vater wunder lie
 und daz mit schanden zergie. 1720

Wes bedarf ich mê danne ich hân?
 mîniu ors sint guot und wol getân,
 mîne knappen biderbe unde guot
 unde habent getriuwen muot:
 ich bin ze harnasche wol: 1725
 swâ man guot bejagen sol,
 da getrûwe ich harte wol genesen.
 ditz sol der rede ein ende wesen:
 herre, iuwarn gnâden sî genigen
 und des mit hulden verzigen 1730
 daz ich iht langer hie bestê.'

'Sun, sô wil ich dich niht mê
 sûmen fûr dise vrist:
 ich sihe wol daz dir ernst ist.
 swie ungerne ich dîn enbir, 1735
 lieber sun, nû ginc mit mir:
 wan ich wil dich sehen lân
 waz ich noch dînes dinges hân.

Sus fuorte in der getriuwe man
 vil sêre weinende dan 1740
 tûf eine kemenâten
 die er vil wol berâten
 mit sîdiner wæte vant,
 und gab im in sîne hant
 sîne tavel, daz er las 1745
 wie allem sînem dinge was.

des wart er trûrec unde vrô.
 sîn trûren schuof sich alsô
 als ich iu hie kûnde:
 er weinde von der sûnde, 1750
 dâ er inne was geborn.
 dâ wider hâte er im erkorn
 guote vreude dar abe,
 von hôher geburt, von rîcher habe,
 der er ê niht enweste. 1755
 dô sprach der triuwen veste
 der sîn herre was gewesen
 'sun, nû hâst dû wol gelesen
 daz ich dich unz her hân verdagt:
 dîn tavel hât dirz wol gesagt. 1760
 nû hân ich mit dînem golde
 gebâret als ich solde
 nâch dîner muoter gebote:
 ich hân dir ez in gote,
 gemêret harte starke 1765
 fûnfzêc und hundert marke
 habe wir dir gewonnen,
 swie tûbele wirz kunnen,
 von sibenzehn sît den stunden
 daz wir dich êrste funden. 1770
 ich gap in drî und niht mê,
 die dich mir brâhten ab dem sê.
 alsô vil ist dîner habe:
 da begêst dû dich schône abe
 zuo anderm gewinne, 1775
 hâst dû deheine sinne.'
 Des antwurt im Grêgôrjus
 vil sêre weinende sus.
 'ouwê, lieber herre,
 ich bin vervallen verre 1780
 ân alle mîne schulde.
 wie sol ich gotes hulde
 gewinnen nâch der missetât
 diu hie vor mir geschriben stât?'
 'vil lieber sun, daz sage ich dir. 1785

dêswâr, des geloube mir,
 gestêst dû bî der ritterschaft,
 sich, sô mêret sich diu kraft
 dîner tågelichen missetât,
 unde enwirt dîn niemmer rât. 1790
 dâ von sô lâ dîn irrecheit
 die dû an hâst geleit,
 unde diene gote hie.

jane übersach er dienest nie.
 sun, nû stant im hie ze klage, 1795
 und verkoufe dîne kurze tage
 umb daz êwige leben.
 sun, den rât wil ich dir geben.'

'Ouwê, lieber herre,
 jâ ist mîn gir noch merre 1800
 zuo der werlte denne ê.

ichn gernowe niemer mê
 und wil iemmer varnde sîn,
 mirn tuo noch gotes gnâde schîn
 von wanne ich sî ode wer.' 1805

'sun, des bewise dich der
 der dich nâch im gebildet hât,
 âft dû verwirfest mînen rat.'

Ein schef wart im gereite,
 dâ man im in leite 1810

zem lîbe volleclîchen rât,
 spîse, sîn golt, sîne wât.
 und dô er ze scheffe gie,
 der abbet begab in nie
 unz er an daz schef getrat. 1815
 alsus rûmte er daz stat.

swie sêre sî gescheiden diu tugent
 under alter und under jugent,
 so ergie doch von in beiden
 ein jâmerlîchez scheiden. 1820

sine mohten der ougen
 ein ander niht verlougen
 unz sî sich vor dem breiten sê
 enmohten undersehen mê.

Nû bôt der ellende	1825
herze unde hende	
ze himel und bat vil verre	
daz in unser herre	
gesante in etelfchez lant	
dâ sîn vart wære bewant.	1830
er gebôt den marnæren	
daz sî den winden wæren	
nâch ir willen undertân,	
und daz schef liezen gân	
swar ez die winde lerten,	1835
und anders niene kerten.	
ein starc wint in dô wæte:	
der beleip in stæte,	
und wurden in vil kurzen tagen	
von einem sturme geslagen	1840
ûf sîner muoter lant.	
daz was verheret und verbrant,	
als ich iu ê gesaget hân,	
daz ir niht mêre was verlân	
niewan ir houbetstat,	1845
diu ouch mit kumber was besat.	
und als er die stat an sach,	
zuo den marnæren er dô sprach	
daz sî dar wanten	
die segele unde lanten.	1850
Dô die burgære sâhen	
daz schef dort zuo gâhen,	
dô sazten sî sich mit her	
disem scheffe ze wer.	
nû zeigte in der ellende	1855
fridelfche hende,	
und vrâgte die burgære	
waz ir angst wære.	
des nam sî besunder	
alle michel wunder,	1860
von wannen der herre	
gevarn wære sô verre	
daz er des niene weste.	

ir einer der beste
undersagte im vil gar, 1865
als ich iu ê, waz in war.

Als er ir nôt hâte vernomen,
er sprach 'sô bin ich rehte komen.
daz ist des ich got ie bat,
daz er mich bræhte an die stat 1870
dâ ich ze tuone funde,
daz ich mîn junge stunde
niht mûtezec enlæge,
dâ man urlinges phlæge.
geruochet es diu vrouwe mîn, 1875
ich wil gerne ir soldenære sîn.'

Nû sâhen si daz er wære
vil harte lobebære
an lîbe unde an guote:
mit willigem muote 1880
wart er geherberget dô.

diu vrouwe was des gastes vrô:
doch het sîn dannoch niht gesehen.
nû was im dar an wol geschehen:
den er ze wîrte gewan, 1885

der was ein harte vrum man,
der besten einer von der stat.
swaz er dem gebôt und gebat,
daz fuor nach sînem muote.
daz galt erm wol mit guote. 1890

sîn zerunge was rîche,
und doch sô bescheidenlîche
daz im dar under nie gebrast:
des wart er ein werder gast. 1895

Dô er vernam diu mære 1895
daz diu vrouwe wære
schœne junc und âne man,
und daz ir daz urlînge dar an
und diu ungenâde geschach
daz si den herzogen versprach, 1900
und daz si ze stæte
die man versprochen hæte,

- dô hæte er sî gerne gesehen:
und wie daz möhte geschehen
ân alle missewende, 1905
des vrâgte der ellende.
ouch was ir von im geseit
diu zuht und diu frûmecheit
daz ouch sî in vil gerne sach;
daz selten gaste dâ geschach. 1910
Wan daz was ir ellich site:
dâ erzeigte sî mite
ir angestliche swære
(wan ir was vreude unmære):
er wære arm ode rîch, 1915
gast ode heimlich,
den lie sî sich nie gesehen,
ezn müestę ze münster geschehen,
dâ sî stuont an ir gebete,
als sî ze allen zîten tete, 1920
ez benæme ir slâf ode maz.
nû riet der wirt dem gaste daz
daz er ir truhsæzen bat
daz er in bræhte an die stat
dâ er sî möhte gesehen. 1925
ditz lie der truhsæze geschehen.
er nam in eines tages sît
fruo in einer messezeit,
und fuorte in an siner hant
da er sî an ir gebete vant, 1930
und lien sî wol beschouwen.
der truhsæze sprach zer vrouwen
'vrouwe, grûezet disen man,
wand er iu wol gedienen kan.'
für einen gast enphies ir kint: 1935
ouch was sîn herze dar an blint
unde im unkunt genuoc
daz in diu selbe vrouwe truoc.
Nû sach si in vlîzeclîchen an
und mê dan sî deheinen man 1940
vordes ie getæte.

daz kom von siner wæte.
 dô sî die rehte besach,
 wider sich selben sî des jach,
 daz daz sîdîne gewant 1945
 daz sî mit ir selber hant
 zuo ir kinde het geleit,
 unde disse gastes kleit,
 gelîche wærn begarwe
 der gûete und der varwe: 1950
 ez wære benamen daz selbe gewant,
 ode daz sî von einer hant
 geworht wæren beide.
 daz ermante sî ir leide.
 nu behagte im diu vrouwe wol, 1955
 als einem manne ein wîp sol,
 an der nihtes gebrast:
 ouch behagte ir der gast
 baz danne ie man getæte.
 daz machten sîne ræte, 1960
 der ouch vroun Êven verriet,
 daz sî von gotes gebote schiet.
 Sus bevalch in diu guote
 in des truhssæzen huote,
 unde schieden sich sâ. 1965
 sîn herze lie er bî ir dâ,
 vnd vleiz sich deste mære
 ûf prîs unde ûf êre,
 daz er sî hâte gesehen.
 im was sô liebe dran geschehen 1970
 daz er sich dûhte vreudenrîch.
 nû vant man aller tægelfîch
 ritterschaft vor der stat,
 swie des mannes herze bat,
 ze orse und ze fuoze. 1975
 daz was sîn unmuoze.
 des wart er schiere mære:
 swenne die burgære
 an die vînde quâmen,
 swelhen schaden sî dâ nâmen, 1980

sô vergie in selten daz
 ern getæte ie etteuaz
 dâ von er wart ze schalle
 und ze prise für si alle.

Daz treip er ûf die stunde 1985

daz er wesen künde
 ritter swie man gerte,
 ze sper ode ze swerte.
 als er die kunst nû gar bevant
 tægelichen mit der hant, 1990

und er benamen weste
 daz er wære der beste
 (er hete ellen unde kraft
 und ganze kunst ze ritterschaft)
 dô êrste wart sîn vrevele grôz. 1995
 wie lützel in der nôt verdrôz!
 er was der vîende hagel,
 an jagen ein houbt, an fluht ein zagel.

Nû was der Rômære
 von sîner manheit mære, 2000

der herzoge der in daz lant
 hâte verheret und verbrant,
 vil sterker denne ein ander man.
 ouch was dem selben dar an
 sô schône gelungen 2005

daz er mit gemeiner zungen
 ze dem besten ritter wart genant
 über elliu diu lant.
 nû was daz sîn gewonheit
 daz er eine dicke reit 2010

durch justieren für daz tor.
 dâ tet erz ritterlîchen vor:
 wan swelch ritter guot
 durch sînen ritterlîchen muot
 her ûz justierte wider in, 2015

den fuort er ie gevangen hin
 ze der burgære gesiht
 und envorhte si ze nihte.
 des het er alsô vil getriben

daz in nû niemen was beliben 2020
der in besttende mêre:

doch versuochte erz dicke sêre.

Nu erschamte sich Grêgôrjus,

daz in ein man alsus
het geleit ein michel her 2025
âne aller slahte wer.

do gedâhte er ofte dar an.

nû sihe ich dicke daz ein man

der zabel sêre minnet,

swenn er daz guot gewinnet 2030

daz er ûf zabel wâgen wil,

vindet er danne ein glîchez spil,

sô dunket er sich harte rîch:

und istz ouch ein teil ungelfich,

er bestêtz ûf einen guoten val. 2035

nû hân ich eines spiles wal,

bin et ich sô wol gemuot

daz ich mîn vil armez guot

wâge wider sô rîche habe,

daz ich iemer dar abe 2040

geêret und gerîchet bin,

ob mir gevallet der gewin.

Ich bin ein ungelopter man,

und verzagte noch nie dar an,

ich gedenke dar nâch alle tage, 2045

wie ich die sælde bejage

daz ich ze vollem lobe gestê.

nu enweiz ich niht wie daz ergê:

ichn wâge drumbe den lîp,

man hât mich immer fûr ein wîp, 2050

und bin der êren betrogen.

mag ich nû disen herzogen

ûf gotes gnâde bestân?

nû weiz ich doch wol daz ich hân

beidiu sterke und den muot. 2055

ich wil benamen ditz arme guot

wâgen ûf disem spil,

man klaget mich niht ze vil,

ob ich von im tât gelige:
 ist aber daz ich im an gesige, 2060
 sô bin ich êren rîche
 iemmer êweclîche.

daz wizze man unde wîp,
 mir ist lieber daz mîn lîp
 bescheidenlîche ein ende gebe 2065
 dan daz ich lasterlichen lebe.'

Grêgôrjus sich des gar bewac
 daz er ez deheinen tac
 wolde vristen mêre:

durch got und durch êre 2070
 wold er verliesen sînen lîp

ode daz unschuldige wîp
 lœsen von des herren hant
 der ir genomen hâte ir lant.
 ditz sagt er niewan einem man 2075

der im mohte wol dar an
 gefrumen und gewerren,
 dem oberisten herren:

er wolde ez nieman mê sagen.
 morgen do ez begunde tagen, 2080

dô hœrt er eine messe vruo,
 und bereite sich dar zuo
 als er ze velde wolde komen.

der wirt wart zuo der rede genomen:
 der half im ûz fûr die stat. 2085

mit grôzem vlîze er in des bat
 daz er des war nâme,
 swenne er wider quæme,

daz er in lieze wider in,
 er bræhte flust ode gewin. 2090

Alsus kom der guote
 mit manlîchem muote
 geriten über jenez velt

fûr des herzogen gezelt,
 da er in inne weste. 2095

nu ersahen der muotveste,
 unde wâffentē sich sâ

- unde ouch niemen mêre dâ.
 alle dier dâ hâte
 die ruoften daz man drâte 2100
 im sîn ors gewünne:
 er vorhte daz erm entrünne.
 Als in Grêgôrjus komen sach,
 vil sinneclîchen im geschach.
 er begunde im entwîchen 2105
 harte kârelîchen
 zuo den sînen für daz tor.
 vil wol erbeitte er sîn dâ vor,
 ob ern bekumben mœhte,
 daz im niene tœhte 2110
 diu hilfe von sînem her.
 nû saz diu buremûr und diu wer
 vol ritter unde vrouwen,
 die daz wolden schouwen
 wederm dâ gelunge. 2115
 nune sûmte sich niht der junge.
 Ir ietwederre sich dâ vleiz
 ûf einen langen puneiz.
 nû wart in zuo ein ander ger.
 also schiere sî diu sper 2120
 under die arme sluogen,
 diu ros si zesamene truogen.
 diu sper wâren kurz und grôz;
 des ir ietwederre missenôz:
 wande ir ietwederre stach 2125
 daz sîn, daz ez ze stûcken brach,
 und daz sî doch gesâzen.
 wie lûtzeln sî vergâzen
 der swerte bî der sîten!
 seht hie begunden strîten 2130
 zwêne gelîche starke man,
 der dewederre nie gewan
 unredelfche zageheit
 (daz sî iu für wâr geseit)
 also grôz als umbe ein hâr, 2135
 unde ez muoste dâ für wâr

den strit under in beiden
kunst oder gelücke scheiden.

Dô ir ietwederre genuoc
mit dem swerte gesluoc, 2140

dô bekumbert in alsus
der getühtige Grêgôrjus
daz er in zöumen began,
und fuort in mit gewalte dan
vaste gegen dem bürgetor. 2145

daz was im noch beslozen vor,
und enwart niht dräte in verlân.
nû hâte des war getân
des herzogen ritterschaft.
diu begunde mit aller ir kraft 2150

gegen ir herren gâhen.
dô daz die burgære sâhen,
dô wurfen se ûf diu bürgetor.
alsus ergie dâ vor
der hertiste strit 2155

der vordes ode sit
von sô vil liuten ergie.
do behabte Grêgôrjus hie
sinen gevangen man
und brâhte in ritterliche dan. 2160

zuo sluogen sî diu bürgetor.
dô huoben sî dâ vor
einen sturm harte grôz.
unlanc was daz sî des verdrôz.

Der sælige Grêgôrjus 2165
der bejagte im alsus
des tages michel êre

und het von grôzem sêre
erlœset sîner muoter lant
mit sîner ellenthaften hant. 2170

vordes was sîn pris sô grôz
daz niemen frumen des bedrôz
ern spræche sîn êre;

nu hât er ir aber mêre.
ouch hât diu vrouwe unde ir lant 2175

von sīnēr gehūlfīgen hant
 alle ir nôt ūberkomen.
 swaz sī schaden hāte genomen,
 daz wart ir vollecliche ersat,
 als sī gebôt unde bat.
 und enphie des rehte sicherheit
 daz er ir dehein leit
 für die zīt getæte.
 daz liez er harte stæte.

2180

Dô ditz nœtige lant
 sīnen kumber ūberwant
 und mit frīde stuont als ê,
 dô tet den lantherren wê
 diu tægeliche vorhte
 die in der zwīvel worhte,
 daz ez in sam mūese ergān,
 ob sī aber wolde bestān
 dehein gewaltīgiu hant.

2185

sī sprāchen ez wære daz grôze lant
 mit einem wībe umbewart
 vor unrehter hōhvert;
 und heten sī einen herren,
 sone mōhte in niht gewerren.

2190

2195

Nû wurden se alsô drāte
 under in ze rāte

2200

daz sī die vrouwen bāten,
 und daz mit vlīze tāten,
 daz se einen man nāme
 der in ze herren gezāme:

daz wære in allen enden guot.
 sī westen wol, daz sī den muot
 ir durch got hāte erkorn
 daz sī hāte verborn
 und verbern wolde alle man.

2205

dā missetæte sī an.

2210

ir leben wær ūbele bewant,
 ob sī ein sô rīchez lant
 ir dankes āne erben
 sus wolde verderben.

- diz wæren ir ræte, 2215
 daz sî noch baz tæte
 wider die werlt und wider got
 (sî behielte sô baz sîn gebot),
 daz si einen man næme
 und erben bequæme. 2220
 daz was benamen der beste rât:
 wande êlich hirât
 daz ist daz aller beste leben
 daz got der werlde hât gegeben.
 Dô ir der rechten wârheit 2225
 alsô vil wart für geleit,
 sî volgte ir râte und ir bete
 alsô daz siz in gote tete,
 und gelopte ze nemen einen man.
 da geschach ir aller wille an. 2230
 nû rieten sî über al
 daz man ir lieze die wal
 ze nemen swen sî wolde.
 dô daz wesen solde,
 dô gedâhte diu guote 2235
 vil dicke in ir muote
 wen sî nemen möhte
 der baz ir muote töhte
 danne den selben man
 (und geviel vil gar dar an) 2240
 den ir got hete gesant
 ze lösen sî unde ir lant.
 daz was ir sun Grêgôrjus.
 dar nâch wart er alsus
 vil schiere sîner muoter man. 2245
 da ergie des tiuvels wille an.
 Dô sî den herren sagte
 wer ir dar zuo behagte,
 nû wâren sî niemans alsô vrô:
 ze herren nâmen sî in dô. 2250
 ez enwart nie wünne merre.
 dan diu vrouwe und der herre
 mit ein ander hâten:

wan si wâren berâten
mit liebe in grôzen triuwen: 2255
seht, daz ergie mit riuwen.

er was guot rihtære,
von sîner milte mære:
swaz einem manne mac gegeben
ze der werlte ein wûnneclîchez leben, 2260
des hât er gar des wunsches wal:
daz nam einen gæhen val.

Sîn lant und sîne marke
die befridet er alsô starke,
swer si mit arge ruorte, 2265
daz er den zefuorte
der êren und des guotes.

er was vestes muotes:
enhæt erz niht durch got verlân,
im mûesen wesen undertân 2270
swaz im der lande was gelegen.
nû wolde ab er der mâze pflegen:
durch die gotes êre
sone gerte er nihtes mêre
wan daz im dienen solde: 2275
fûrbaz er niene wolde.

Die tavel hât er alle wege
in sîner heimlichen pflege
verborgen ûf sîner veste,
dâ die niemen weste, 2280

diu dâ bî im funden was;
an der er tægelichen las
sîne sûndeclîche sache
den ougen zungemache,
wie er geboren wûrde, 2285
und die sûntliche bûrde
sîner muoter und sînes vater.

unsern herren got bater
in beiden umbe hulde,
und erkande niht der schulde 2290
diu ûf sîn selbes rûkke lac,
die er naht unde tac

mit sîner muoter uobte,
dâ mit er got betruobte.

Nû was dâ ze hove ein magt, 2295
alsô karc, sô man sagt,
diu verstuont sich sîner klage wol,
als ich iu nû sagen sol;

wan sî der kemenâten pfîac,
dâ diu tavel inne lac. 2300

er het genomen ze sîner klage
eine zît in dem tage,
die er niemmer versaz.

nu gemarhte diu juncvrouwe daz,
swenne si in dar in verlie, 2305

daz er lachende gie,
und schiet ie als ein riuwec man
mit rôten ougen dan.

Nû vleiz si sich iemer mêre
herzelichen sêre 2310

wie sî daz rehte ersæhe

wâ von diu klage geschæhe,

und sleich im eines tages mite,

dô er aber nâch sînem site

ze kemenâten klagen gie. 2315

dô was diu juncvrouwe hie

und barc sich unz sî rehte gesach

sînen klegelichen ungemach,

und daz er an der tavel las,

als sîn gewonheit was. 2320

dô er des harte vil getete

mit weinen unde mit gebete,

dô truckent er diu ougen

und wânde sîniu tougen

vor al der werlt wol bewarn. 2325

nû hetez diu magt alsus ervarn.

war er die tavel leite,

daz ersach sî vil gereite.

Dô sîn klage ein ende nam, 2330

diu maget harte schiere quam

zuo der vrouwen unde sprach

'vrouwe, waz ist der ungemach
 dâ von mîn herre trûret sô,
 daz ir mit im niht sit unfrô?'
 diu vrouwe sprach 'waz meinest dû? 2335
 jâ schiet er niuwelichen nû
 von uns vil vroelichen hie:
 waz möhte er, sit er von mir gie,
 vernomen hân der mære
 dâ von er trûrec wære? 2340
 wære im solhes iht gesaget,
 dazn hete er mich niht verdaget.
 im enist ze weinen niht geschehen:
 dû hâst entriuwen missesehen.'
 'vrouwe, leider ich enhân. 2345
 dês wâr ich sach in hiute stân
 dâ in ein riuwe gevie
 diu mir an mîn herze gie.'
 'Sich, jâ was ez ie dîn site,
 unde hâst mir dâ mite 2350
 gemachet manege swære,
 dun gesagtest nie guot mære.
 noch baz dû gedagtest
 dan dû die lûge sagtest
 diu mir ze schaden gezûge.' 2355
 'vrouwe, ditz ist niht ein lûge.
 jane ist niht anders mîn klage
 wan daz ich iu sô wâr sage.'
 'sich, meinest dûz doch sô?'
 'entriuwen jâ, er ist unvrô. 2360
 ich wânde ir westetz michel baz.
 jâ vrouwe, waz mac wesen daz
 daz er vor iu sô gar verstilt,
 wan er iuch anders niht enhilt?
 zewære, vrouwe, swaz ez sî, 2365
 im wont ein grôziu swære bî.
 ich hân es ouch mê war genomen:
 nû bin ichs an ein ende komen,
 daz er sô grôzen kumber treit,
 den er noch niemen hât geseit. 2370

Sît er hie des landes phlac
 sone lie er nie deheinen tac
 ern gienge ie wider morgen
 eine und verborgen
 in die kemenâten, 2375
 fröude wol berâten:
 swie vrœlich er dar in gie,
 sô schiet er doch ze jungest ie
 her ûz harte riuwevar.
 doch genam ichs nie sô rehte war 2380
 als ich hiute hân getân.
 dô ich in sach dar in gân,
 dô stal ich mich mit im dar in
 und bare mich dâ unz daz ich in
 und alle sîn gebærde ersach. 2385
 ich sach in grôzen ungemach
 von unmanlicher klage begân
 unde vor ime hân
 ein dinc daran geschriben was:
 dô er daz sach unde las, 2390
 sô sluog er sich zen brüsten ie,
 und bôt sich an sîniu knie
 mit venjen vil dicke,
 mit manegem ûfblicke.
 ich gesach nie man mêre 2395
 weinen alsô sêre.
 dâ bî erkande ich harte wol
 daz sîn herze ist leides vol:
 wan dâ enzwîvel ich niht an
 umb einen sô geherzen man, 2400
 swâ dem ze weinen geschiht,
 daz ist ân herzeriuwe niht,
 als ich in hiute weinen sach.
 diu vrouwe trûreclîchen sprach
 'Ouwê mîns lieben herren! 2405
 waz mac im danne werren!
 mirst sînes kumbers niht mê kunt.
 wan er ist junc und gesunt
 und rîch ze guoter mâze;

dar zuo ich niene lâze 2410
 ichn vâre sîns willen als ich sol.
 dêswâr des mac mich lûsten wol,
 wand er daz wol verschulden kan.
 gewan ie wîp ein tiurern man,
 dêswâr daz lâze ich âne zorn: 2415
 wand ern wart weizgot nie geborn.
 ouwê mir armen' wîbe!
 jane geschach minem lîbe
 nie deheiner slahte guot,
 unde ouch niemer getuot, 2420
 niewan von sîn eines tugent.
 nû waz mag im ze sîner jugent
 sô vil ze weinen sîn geschehen
 als ich dich dâ hœre jehen?
 nû tuo mir ettelichen rât, 2425
 sît daz er michz verswigen hât,
 wie ich sîn leit ervar
 daz ich mich doch an im bewar.
 ich fürhte, ob ich mirz sagen bite,
 ich verliese in dâ mite. 2430
 ich weiz wol, swelch sache
 im ze leide od ze ungemache
 geschæhe diu ze sagen ist,
 dien verswige er mich deheine vrist.
 nune ger ich doch deheine geschiht 2435
 wider sînen willen ze wizzen niht,
 wan daz mir ditz durch einen list
 alsô nôt ze wizzen ist,
 ob sîner swære
 iender alsô wære 2440
 daz im mîn helfe töhte
 und im sî benemen möhte.
 daz er mich ie deheine geschiht,
 sî züge ze fröuden ode niht,
 verswige, des was ich ungewon, 2445
 und bin wol gewis dâ von
 daz er mir ditz ungerne saget.'
 'nû râte ich iu wol,' sprach diu maget,

- 'daz ir ez harte wol ervart
 und doch sine hulde bewart. 2450
 dâ ich in dâ stênde sach
 klagende sinen ungemach,
 die stat marhte ich harte wol,
 als ich sî iu zeigen sol.
 dô er geweinde genuoc 2455
 und sich zen brüsten gesluoc,
 daz er dâ vor im hâte
 daz barc er alsô drâte
 in ein mûrloch über sich.
 die selben stat die marht ich. 2460
 muget ir des erbiten
 (er wil doch birsen rîten),
 vrouwe, sô füere ich iuch dar
 und zeige ez iu: sô nemet ir war
 waz dar an geschriben sî: 2465
 dâ erkennet ir ez bî.
 ez enist niht âne daz,
 dar an enstê ettewaz
 geschriben von sinen sorgen
 die er sus hât verborgen.' 2470
 Dô er nâch sîner gewonheit
 ze walde birsen gereit,
 dô tet sî alsô drâte
 nâch der magde râte
 und gie dâ sî die tavel vant, 2475
 unde erkande sî zehant,
 daz ez diu selbe wære,
 als man iu an dem mære
 ouch dâ vor seite,
 die sî zir kinde leite. 2480
 unde als sî dar an gelas
 daz sî aber versenket was
 in den vil tiefen ûnden
 tœtlicher sünden,
 dô dûhte sî sich unsælie gnuoc. 2485
 zuo den brüsten sî sich sluoc
 und brach ûz ir schœne hâr.

si gedächte daz si für wâr
 zuo der helle wære geborn,
 und got hæte verkorn 2490
 ir herzenlichez riuwen
 daz si begienc mit triuwen
 umbe ir erren missetât,
 als man iu ê gesaget hât,
 sit er des tiuvels râte 2495
 nû aber verhenget hâte
 daz si an der sünden grunt
 was gevallen anderstunt.

Ir vröuden sunne wart bedaht 2500
 mit tötvinsterre naht.
 Ich wæne ir herze wære
 gebrochen von der swære,
 wan daz ein kurz gedinge
 ir muot machte ringe,
 und stuont ir tröst doch gar dar an. 2505
 si gedächte 'waz ob mînem man
 disiu tavel ist zuo brâht
 anders danne ich hân gedâht?
 ob got mînn sun gesande
 gesunden ze lande, 2510
 ettewer der in dâ vant
 der hât tavel und daz gewant
 mînem herren ze koufen geben.
 des gedingen wil ich leben,
 unz ich die rede rehte ervar.' 2515
 ein bote wart gewonnen dar,
 und besande alsô balde
 ir herren dâ ze walde.

Der bote gâhte dô zehant 2520
 dâ er sînen herren vant.
 zuo dem sprach er alsus,
 'herzoge Grêgôrjus,
 ob ir iemmer mîne vrouwen
 lebende welt beschouwen,
 so geseht si vil drâte, 2525
 ode ir komet ze spâte.

ich lie se in grôzer ungehabe.
 nû wart Grêgôrjus dar abe
 vil harte riuwec unde unvrô.
 er sprach 'geselle, wie redest dû sô? 2530
 jâ liez ich sî an dirre stunt
 harte vrô und wol gesunt.'
 'herre, des wil ich iu jehen.
 ja ist ez an dirre stunt geschehen.'
 Ze walde wart niht mê gebiten: 2535
 vil balde sî ze hûse riten.
 dane wart (des wil ich iu verpflegen)
 niht vil erbeizet under wegen,
 unz daz er vol hin quam
 dâ sîn vreude ein ende nam. 2540
 wande er muose schouwen
 an sîner lieben vrouwen
 ein swære ougenweide.
 ir hiufeln was vor leide
 diu rôsenvarwe entwichen, 2545
 diu schœne varwe erblichen:
 sus vant er sî tôtvar.
 des entweich ouch im sîn vreude gar.
 vil grôz jâmer dâ ergie:
 wande zwei gelieber nie 2550
 mannes ouge gesach.
 der guote sündære sprach
 'vrouwe, wie gehabet ir iuch sô?
 vil kûme gantwurte sî im dô,
 wand ir daz stûften die sprâche brach. 2555
 mit halben Worten sî sprach
 'Herre, ich mac wol riuwec sîn.'
 'waz wirret iu, liebiu vrouwe mîn?'
 'herre, des ist alsô vil
 daz ich ez gote klagen wil 2560
 daz ich ie ze der werlt quam:
 wan mir ist diu Sælde gram.
 verfluochet was diu stunde
 von unsers herren munde,
 dâ ich inne wart geboren. 2565

Unsælde hât ûf mich gesworn
 und behaltet vaste an mir den eit;
 wan mir tûsent herzenleit
 wider eime liebe sint geschehen.
 herre, ir sult mir des verjehen 2570
 von wannen ir geborn sît.
 ez wære ê gewesen zît
 der frâge die ich nû begân:
 ich wæne ich sî verspætet hân.'
 'Vrouwe, ich weiz wol waz ir klaget: 2575
 iu hât etewer gesaget
 daz ich niht sî ein edel man.
 west ich wer iuch dar an
 alsus geleidet hæte,
 ez gelægen mîne ræte 2580
 niemer unz ûf sinen tût;
 nû hel sich wol, des ist im nôt.
 swer er ist, er hât gelogen:
 ich bin von einem herzogen
 vil endelfche geborn. 2585
 ir sult mir volgen âne zorn,
 daz wir der rede hie gedagen:
 ich enkan iu fûrbaz niht gesagen.'
 Sus antwurte im diu vrouwe dô.
 'der rede enist niht alsô. 2590
 jâne sæhe ich den man
 weizgot nimmer lachend an,
 der mir von iu sagte
 daz iu niht behagte:
 ern funde hie niht guot antwurt. 2595
 jâ fûrhte ich, iuwer geburt
 diu sî mir alze gnôzsam.'
 die tavel sî her fûr nam,
 sî sprach 'sît ir der man
 (dâne helt mich niht an) 2600
 von dem hie geschriben stât?
 sô hât uns des tiuvels rât
 versenket sêle unde lîp:
 ich bin iuwer muotêr und iuwer wîp.'

- Nû sprechet wie dâ wære 2605
 dem guoten sündære.
 er was in leides gebote.
 sînen zorn huob er hin ze gote,
 er sprach 'ditz ist des ich ie bat,
 daz got mich bræhte uf die stat 2610
 daz mir sô wol geschæhe
 daz ich mit vreuden sæhe
 mine liebe muoter.
 rîcher got vil guoter,
 des hâst dû anders mich gewert 2615
 danne ichs an dich hân gegert.
 ich gertes in minem muote
 nâch liebe und nâch guote:
 nû hân ich sî gesehen sô
 daz ich des nimmer werde vrô, 2620
 wand ich sî baz verbære
 denn ich ir sus heimlich wære.'
- Ich weiz wol daz Jûdas
 niht riuwiger was
 dô er sich vor leide erhie, 2625
 danne diu zwei hie.
 ouch entrûrte Dâvît
 nihtes mêre zuo der zît
 dô im kômen mære
 daz erslagen wære 2630
 Saul unde Jônathas
 und Absalôn, der dâ was
 sîn sun, der schœniste man
 den wîp ie ze sun gewan.
- Swer ir jâmer unde ir klagen 2635
 vol an ein ende solde sagen,
 der müese wîser sîn dan ich,
 ez wære, ich wæne, unmügelich
 daz ez iu mit einem munde
 iemen wol gesagen kunde. 2640
 sich möhte vil nâch der tôt
 gemâzet haben ze dirre nôt:
 den hæten sî, wær er in komen,

ze voller wirtschafft genomen.
 in wâren diu beide 2645
 gesat in gliche leide,
 beidiu sêle unde lîp
 wa vernam ie man ode wîp
 deheiner slahte swære
 diu alsô gar wære 2650
 âne aller hande trôst?
 diu sêle entsaz den hellerôst:
 dô was der lîp in beiden
 bekumbert umbe ir scheiden.
 ez hât geschaffet diu gotes kraft 2655
 ein missemüete geselleschaft,
 diu doch samet belîbe,
 under sêle und under lîbe.
 wan swaz dem lîbe samfte tuot,
 dazn ist der sêle dehein guot: 2660
 swâ mite aber diu sêle ist genesen,
 daz muoz des lîbes kumber wesen.
 nû lîten sî beidenthalben nôt:
 daz was ein zwivaltiger tôt.
 Diu vrouwe ûz grôzem jâmer sprach, 2665
 wan sî den jâmer ane sach
 'ouwê ich verfluochtez wîp!
 jâ kumbert maneger den lîp,
 daz des diu sêle werde vrô:
 dem geschiht ouch alsô. 2670
 so bewigt sich manec man und wîp
 der sêle umbe den lîp,
 und lebt in dirre werlde wol.
 nûne mag ich noch ensol
 mînem lîbe niht des gejeihen 2675
 des im ze guote sî geschehen:
 ist mir diu sêle nû verlorn,
 sô ist der heize gotes zorn
 vil gar ûf mich gevallen,
 als den verfluochten allen. 2680
 mich wundert, nâch der missetât
 die mir der lîp begangen hât,

daz mich diu erde gernochoet tragen.
 sun herre, muget ir mir sagen
 (wan ir habt der buoche vil gelesen), 2685
 möht aber dehein buoze wesen
 über sus getâne missetât,
 ob des nû ist dehein rât
 (des ich wol muoz getrûwen)
 ich müeze die helle bûwen, 2690
 dâ mite ich doch verschulde daz
 daz si mir doch ettewaz
 senfter si dan maneges leben
 der ouch der helle ist gegeben?
 'Muoter,' sprach Grêgôrjus, 2695
 'gesprechet niemer mêre alsus:
 ez ist wider dem gebote.
 niht verzwiwelt an gote:
 ir sult harte wol genesen.
 jâ hân ich einen trôst gelesen, 2700
 daz got die wâren riuwe hât
 ze buoze übr alle missetât.
 iuwer sêle ist nie sô ungesund,
 wirt iu daz ouge ze einer stunt
 von herzelicher riuwe naz, 2705
 ir sît genesen, geloubet daz.
 belibet bî iuwerm lande.
 an spîse und an gewande
 sult ir dem lîbe entziehen,
 gemach und vreude fliehen. 2710
 irn sultz sô niht behalten
 daz irs iht wellet walten
 durch dehein werltlich êre,
 wan daz ir destê mêre
 got rihtet mit dem guote. 2715
 jâ tuot ez wîrs dem muote,
 der guotes lebens wal hât
 unde er sich sîn âne begât,
 denne ob des enbirt ein man
 des er teil nie gewan. 2720
 ir sît ein schuldigez wîp:

- des lât enkelten den lîp
 mit tûgelicher arbeit,
 sô daz im sî widerseit
 des er dâ aller meiste ger: 2725
 sus habet in, unz er iu wer,
 in der riuwen bande.
 den gelt von iuwerm lande
 den teilet mit den armen:
 sô müezet ir got erbarmen. 2730
 bestiftet iuwer eigen,
 swâ iuwer wîsen zeigen,
 mit richen klôstern (daz ist guot):
 sus senftet sinen zornegen muot,
 den wir sô gar erbelget hân. 2735
 ich wil im ouch ze buoze stân.
 vrouwe, liebiu muoter mîn,
 ditz sol diu jungest rede sîn
 die ich iemmer wider iuch gestuo.
 wir suln ez bringen dar zuo 2740
 daz uns noch got gelîche
 gesamne in sînem rîche.
 ichn gesihe iuch niemmer mê:
 wir wâren baz gescheiden ê.
 dem lande und dem guote 2745
 und werltlichem muote
 dem sî hiute widerseit.
 hin tet er diu rîchen kleit
 und schiet sich von dem lande
 mit dûrftigen gewande. 2750
 Ez wâren dem richen dûrftigen
 alle genâde verzigen,
 wan daz er al sîn arbeit
 mit willigem muote leit.
 er gerte in sînem muote 2755
 daz in got der guote
 sande in eine wîeste,
 dâ er inne müeste
 bûezen unz an sînen tôt.
 spilnde bestuont er dise nôt. 2760

er schühte âne mâze
 die liute und die strâze
 und daz blôze gevilde:
 allez gegen der wilde
 sô rihte der arme sine wege, 2765
 er wuot diu wazzer bi dem stege.
 mit marwen fûezen ungeschuoch
 streich er walt unde bruoch,
 sô daz er sinēs gebetes phlac,
 ungâz, unz an den dritten tac. 2770
 Nû gie ein stic (der was smal)
 nâhen bi einem sê ze tal.
 den ergreif der liplose man
 unde volgte im dan
 unz er ein hiuselin ersach: 2875
 dar kêrte der arme durch gemach.
 ein vischære het gehûset dâ,
 den dûhte daz niender anderswâ
 daz vischen wæger wære.
 den bat der riuwesære 2780
 der herberge durch got.
 von dem dulte er merren spot
 dann er gewon wære.
 als im der vischære
 sinen schoenen lip gesach, 2785
 er wegte daz houbet unde sprach
 'Ja du starker trügenære!
 ob ez sô wære
 daz ich der tôrheit wielte
 daz ich dich frâz behielte, 2790
 sô næme dich, groze gebûre,
 der rede vil untûre,
 so ich hînte entsliefte und mîn wip,
 daz dû uns beiden den lip
 næmest umbe unser guot. 2795
 ouwê wie übel diu werlt tuot,
 daz die liute under in
 dultent solhen ungewin,
 sô manegen unnützen man,

- des got nie êre gewan, 2800
 und wüestet doch die liute.
 ez wære ein breit geriute
 zuo dînen armen wol bewant:
 ez zæme baz in dîner hant
 ein houwe unde ein gart, 2805
 danne dîn umbevert.
 ez ist ein wol gewantez brôt
 (daz dir der tiuvel tuo den tôt!)
 daz dû frâz verswendest.
 wie dû dîn sterke schendest! 2810
 rûme daz hûs vil drâte.
 nû was ez harte spâte.
 do emphie der sündære
 ditz schelten âne swære
 und mit lachendem muote. 2815
 sus antwurt im der guote.
 'Herre, ir habt mir wâr geseit.
 swer guote gewarheit
 im selben schaffet, deist ein sin.'
 guoter naht wunschte er in. 2820
 und schiet lachende dan.
 der wiselôse man
 hôrte gerne disen spot
 unde lobte sînen got
 der selben unwerdeheit. 2825
 swelch versmæcheit unde leit
 sînem lîbe wære geschehen,
 die het er gerne gesehen.
 het im der ungeborne
 grôze slege von zorne 2830
 über sînen rûkke geslagen,
 daz het er gerne vertragen,
 ob sîner sünden swære
 iht deste ringer wære.
 Des tûbelen vischæres wip 2835
 erbarmte sich über sînen lîp.
 si bedûhte daz er wære
 niht ein trûgenære.

des scheltens des in der man tete
 umb sine dürftliche bete, 2840
 des ervolleten ir diu ougen.
 si sprach 'des ist unlougen
 erne si ein guot man:
 ze wære ich sihe ez im wol an.
 got lāze dichs niht engelten: 2845
 dû hāst getān ein schelten
 daz dīnem heile nāhen gāt.
 dû weist wol daz dīn hūs stāt
 den liuten alsō verre:
 swenne dich unser herre 2850
 dīner sælden ermante
 und dir sinen boten sante,
 den soldest dû enphāhen baz,
 und vil wol bedenken daz:
 dirn kom kein dürftige nie 2855
 sīt wir begunden bāwen hie,
 wan dirre armman,
 der ouch niht vil dar an gewan.
 swelch man sich alle tage
 begēn muoz von bejage, 2860
 als dû mit zwīvel hāst getān,
 der solde got vor ougen hān.
 daz tuo ab noch, daz rāt ich dir,
 sō helfe dir got, und gunne mir
 daz ich im ruofen mūeze. 2865
 sīn vart diu ist unstēze:
 jane gēt er nie sō balde,
 ern benahte in dem walde.
 engezzen in die wolfe niht,
 daz aber līhte geschīht, 2870
 sō muoz er dā ungāz ligen
 und aller gnāden verzigen.
 lā mir daz ze gewalte
 daz ich in noch behalte.'
 Sus gesenfte si mit gūete 2875
 dem vischære sīn gemūete,
 daz er ir des gunde

- daz si dâ zestunde
dem wiselösen nâch lief
und daz si im her wider rief. 2880
- Dô si in her widere gewan.
dô was dem vischenden man
sin âbentezzen bereit.
der grôzen unwirdecheit
die er ân aller slahte nôt 2885
dem edeln dürftigen bôt,
der wold in daz wip ergetzen
und begunde im für setzen
ir aller besten spise.
die versprach der wise, 2890
swie vil si in genôte.
ein ranft von haberbrôte
der wart im dar gewonnen,
unde ein trunc eins brunnen.
dô sprach er wider daz wip 2895
daz kûme sin sündec lip
der spise wert wære.
dô in der vischære
die kranken spise ezzen sach,
dô schalt ern aber unde sprach 2900
‘Ouwe deich diz an sehen sol!
ja erkenne ich trügenære wol
und alle trügewise.
dune hâst sô kranker spise
dich niht unz her begangen 2905
ezn schînt an dinen wangen
weder durst noch hungers nôt:
diu sint sô veiz und sô rôt.
ezn gesach nie man noch wip
deheinen wætlichern lip: 2910
den hâst dû niht gewonnen
von brôte noch von brunnen.
dû bist gemestet harte wol,
dîn schenkel sint sleht, dîn fûeze hol,
dîne zêhen gelîmet unde lanc, 2915
dîne nagel lûter unde blanc.

- dine füeze solden unden
 breit sîn und zeschrunden
 als einem wallendem man.
 nune kiuse ich dînen schenkeln an 2920
 deheinen val noch stôz:
 sine sint niht lange gewesen blôz:
 wie wol sî des bewart sint
 daz sî vrost oder wint
 iender habe gertüeret! 2925
 sleht und unzefüeret
 ist dîn hâr, und dîn lîch
 eime gemasten frâze gelîch.
 dîn arme und dîne hende
 stênt ân missewende: 2930
 die sint sô sleht und sô wîz:
 dû hast ir anderen vlîz
 an dîner heimelîche
 dan dû hie tuost gelîche.
 ich bin des âne sorgen 2935
 dune beginnest dich morgen
 dirre nôt ergetzen.
 dû kanst dich baz besetzen,
 dâ dû ez veile vindest,
 dâ dû wol überwindest 2940
 weizgot alle dîne nôt,
 dâ ditz vil durre haberbrôt,
 und dirre brunne wære
 dînem munde unmære.'
- Dise rede enphie der guote 2945
 mit lachendem muote,
 und woldes geniezen wider got
 daz er leit sô grôzen spot
 von alsô swacher geburt.
 ern gab im dehein antwurt 2950
 unze ûf die stunde
 daz er in begunde
 frâgen der mære
 waz mannes er wære.
- Er sprach 'herre, ich bin ein man 2955

daz ich niht ahte wizzen kan
 mīner sūntlichen schulde,
 und snoche umb gotes hulde
 eine stat in dirre wūeste,
 2960 ūf der ich iemmer müeste
 būezen unz an mīnen tōt
 vaste mit des lībes nōt.
 ez ist hiute der dritte tac
 daz ich der werlde verpfac
 2965 und allez nāch der wilde gie.
 ichn versach mich niht hie
 gebiuwes noch liute.
 und sit daz mich hiute
 mīn wec zuo iu getragen hāt,
 sō snoche ich gnāde unde rāt.
 2970 wizzet ir iender hie bī
 eine stat diu mir gevellic sī,
 einen wilden stein ode ein hol,
 des bewiset mich: sō tuot ir wol.
 Der vischære antwurte im alsō.
 2975 'sit dū des gerst, vriunt, sō wis vrō.
 dēswār ich bringe dich hein.
 ich weiz hie bī uns einen stein,
 ein lützel über disen sē:
 dā mac dir wol werden wē.
 2980 swie wir daz erringen
 daz wir dich dar bringen,
 dā maht dū dich mit swæren tagen
 dīner sūnde wol beklagen.
 er ist dir gnuoc wilde.
 2985 wart des ie kein bilde
 daz dīn muot ze riuwe stāt,
 sō tuon ich dir einn guoten rāt.
 ich hān ein isenhalten
 nū lange her behalten:
 2990 die wil ich dir ze stiure geben,
 daz dū bestætest dīn leben
 ūf dem selben steine.
 die sliuz zuo dīnem beine.

- geriuwēt dich danne der gedanc, 2995
 sô muost dū under dīnen danc
 doch dar ūfe bestān.
 ez ist der stein alsô getān,
 der ouch ledege fūeze hāt,
 daz er unsanfte drabe gāt. 3000
 sī dir nū Ernest dar zuo,
 sô ginc slāfen, und wis vruo,
 dīn isenhalten nim zuo dir,
 sitze an mīn schef zuo mir,
 sô ich vor tage vischen var. 3005
 ich kêre durch dīne liebe dar,
 und hilfe dir ūf den stein,
 und behefte dir dīniu bein
 mit der isenhalten,
 daz dū dā muost alten 3110
 und daz dū wærlīche
 ūf disem ertrīche
 mich niemmer gedrangeat;
 des bin ich gar ān angest.
 swie erz mit hōnschaft tæte, 3015
 sô wāren im die ræte
 rehte als er wūnschen wolde,
 ob er wūnschen solde.
 Nū was der unguote man
 harte strenge dar an 3020
 daz er im deheines gemaches
 sô vil sô 's obedaches
 in sīnem hūse engunde.
 sīn wip im enkunde
 mit allen ir sinnen 3025
 daz niht an gewinnen
 daz er dar inne wære beliben.
 er wart en hundes wīs ūz getriben
 an den hof fūr die tūr.
 dā gie er frœlīchen fūr. 3030
 Des nahtes wart er geleit
 wider sīner gewonheit
 in ein sô armez hīuselfn

daz ez niht armer möhte sin:
 daz was zevallen, âne dach. 3035
 man schuof dem fürsten solhen gemach
 der vil gar unmære
 sinem aschman wære.
 er vant dar inne swachen rât,
 weder strô noch bettewât: 3040
 im truoc daz wîp dar in
 ein lützel rôres under in.
 dô leite er gehalten
 sine isenhalten
 und sine tavele dar zuo, 3045
 daz er si vunde morgen vruo.
 Wie lützel er die naht lac!
 sines gebetes er phlac
 unz in diu müede übergie.
 dô er ze slâfe gewie, 3050
 dô was ez nâhen bî dem tage.
 dô fuor der vischære nâch bejage:
 dar zuo was er fruo bereit
 nâch sîner gewonheit.
 nû ruofte er sinem gaste: 3055
 dô slief er alsô vaste
 als ez von grôzer müede quam,
 daz er sîn rûfen niht vernam.
 dô ruofte er im anderstunt:
 er sprach 'mir was ê wol kunt 3060
 daz disem trûgenære
 der rede niht ernst wære.
 ichn gerûefe dir niemmer mê.'
 alsus gâhte er zuo dem sê.
 Dô daz daz guote wîp ersach 3065
 si wahte in ûf unde sprach
 'wil dû varn, guot man,
 sich, dâ sûmest dû dich an.
 mîn wirt wil varen ûf den sê.'
 done wart niht gebiten mê. 3070
 er vorhte im grôzer swære,
 das er versûmet wære:

dâ wider wart er aber dô
 sines muotes harte vrô,
 daz er in solde fûeren hin 3075
 als er gelopte wider in.
 diu liebe und diu leide:
 die machten im beide
 ze sinem gâhenne daz
 daz er der tavele vergaz 3080
 die er zallen ziten
 truoc bî siner sîten.
 die isenhalten truog er dan
 unde gâhte nâch dem man.
 Er ruofte durch got daz er sîn bite. 3085
 alsus fuorte ern mit unsite
 ûf jenen wilden stein:
 dâ beslôz er im diu bein
 vaste in die isenhalten.
 er sprach 'hie muost dû alten. 3090
 dichn fûere mit sînen sinnen
 der tievel von hinnen,
 dune kumst hin abe nimmer mê.'
 den slûzzel warf er in den sê,
 er sprach 'daz weiz ich âne wân, 3095
 swenn ich den slûzzel funden hân
 ûz dirre tiefen ûnde,
 sô bist dû âne sûnde
 unde wol ein heilic man.'
 er lie in dâ und schiet er dan. 3100
 Der arme Grêgôrjus,
 nû beleip er alsus
 ûf dem wilden steine
 aller gnâden eine.
 ern het andern gemach, 3105
 niuwan der himel was sîn dach.
 ern hâte deheinen scherm mê
 fûr rîfen noch fûr snê,
 fûr wint noch fûr regen,
 niuwan den gotes segn. 3110
 im wâren kleider vremede,
 niuwan ein hârin hemedede:

- im wâren bein und arme blôz.
 ern möhte der spise die er nôz,
 als ich iu rehte nû sage, 3115
 weizgot vierzehen tage
 vor dem hunger niht geleben,
 im enwære gegeben
 der trôst von Kriste,
 der im daz leben vriste, 3120
 daz er vor hunger genas.
 ich sage iu waz sîn spise was.
 ez seic ûz dem steine
 wazzers harte kleine.
 dar under gruob er ein hol: 3125
 daz wart mit einem trunke vol.
 ez was sô kleine daz ez nâch sage
 zwischen naht unde tage
 vil kûme vollez geran.
 daz transc der gnâdenlôse man. 3130
 sus lebt er sibenzehen jâr.
 daz dunket manegen niht wâr:
 des gelouben velsche ich:
 wan got ist niht unmügelich
 ze tuone swaz er wil, 3135
 im ist keines wunders ze vil.
 Dô der gnâden eine
 ûf dem wilden steine
 sibenzehen jâr gesaz
 unde got an im vergaz 3140
 sfner houbetschulde
 unz ûf sine hulde,
 dô starp, als ich ez las,
 der dô ze Rôme bâbest was.
 also schiere er starp, 3145
 ein ieglich Rômare warp
 besunder sînem künne
 durch die gotes wünne
 umb den selben gewalt.
 ir strit wart sô manecvalt 3150
 daz si beide durch nît

unde durch der êren gît
bescheiden niene kunden
wem sî des stuoles gunden.

Nû rieten sî über al 3155

daz sî liezen die wal
an unseren herren got,
daz sîn genåde und sîn gebot
erzeigte wer im wære
guot ze rihtære. 3160

dienstes si im gedâhten,
daz sî ouch volbrâhten
mit almuosen und mit gebete.
got dô genâdeclîchen tete,
der ie daz guote geriet: 3165

eines nahtes er beschiet
wîsen Rômæren zwein,
an den sô volleclichen schein
diu triuwe und diu wârheit
daz ir wort was ein eit. 3170

Dâ dise besunder lügen
und ir gebetes pflâgen,
diu gotes stimme sprach in zuo
daz sî des nâhesten tages vruo
die Rômære zesamene bâten 3175

und in daz kunt tæten
waz gotes wille wære
umbe ir rihtære.

ez wære gesezzen eine
ûf einem wilden steine 3180

ein man in Equitânjâ
(den enweste niemen dâ)
wol sibenzehen jâr:

zuo dem wære fûr wâr
der stuol vil wol bewant. 3185

und wære Grêgôrjus genant.
daz erz in beiden tete kunt,

daz meinde daz eines mannes munt
niht mac erziugen wol,

swaz grôze kraft haben sol. 3190

Nune weste ir deweder niht
 umbe dise geschiht
 daz in diu rede beiden
 des nahtes wart bescheiden,
 unz si zesamne quâmen . 3195
 und ez under in vernâmen.
 unde als si getâten

als si vernomen hâten,
 dô einer sine rede gesprach
 und der ander mite jach, 3200

do geloubten Rômmære
 vil gerne disiu mære:
 ze gote wâren si vil vrô.
 die alten herren wurden dô
 ze boten beide gesant 3205
 in Equitânjam daz lant,
 daz si den guoten man
 suochten und bræhten in dan.

Nû bekumberte si daz:
 der stein, dâ er tîffe saz, 3210
 derne wart in niht benant.

mit zwîvel fuorens in daz lant.
 dâ gevorschten si genuoc,
 swâ si ir wec truoc:
 nune kunde inz nieman gesagen. 3215

daz begunden si von herzen klagen
 dem der ie beruochte
 der gnâde an in suochte.

nu gesande in got in ir sin,
 solden si immer vinden in, 3220
 daz man in danne mûeste
 suochen in der wûeste.

sus begunden si gâhen,
 da si daz gebirge sâhen,
 in die wilde zuo dem sê. 3225

der zwîvel tet in wê
 daz si niht wizzen kunden
 wâ si ir herren funden.

Dô wiste si diu wilde

ze walde von gevilde.	3230
sus vuor diu wegelôse diet,	
als in ir gemüete riet,	
irre unz an den dritten tac.	
einen stic âne huofslac	
den ergriffen sî dô:	3235
des wâren sî vil vrô.	
der grasege wec ungebert	
der truoc sî verre in einen wert,	
dâ der vischære bî dem sê	
saz, dâ von ich iu sagte ê,	3240
der den sælderichen	
sô ungezogenlichen	
in sînen dûrften enphie	
und die übele an im begie	
daz er in durch sînen haz	3245
sazte dâ er noch sâz,	
ûf den dûrren wilden stein,	
unde im dâ sîniu bein	
slôz in die isenhalten.	
dô die zwêne alten	3250
daz hiuselin gesâhen,	
ze sælden sî des jâhen,	
daz sî dâ nâch ir unmaht	
geruowen mûesen die naht.	
Gefüeret hâten sî mit in	3255
die spîse (daz was ein sîn)	
der sî bedorften zuo der nôt,	
beidiu wîn unde brôt,	
und dar zuo swaz in tohte,	
daz man gefüeren mohte.	3260
des enphie der vischære	
mit vreuden âne swære	
die wol berâten geste.	
er sach wol unde weste.	
er möhte ir wol geniezen:	3265
desn wolde in niht verdriezen	
ern schüef in rîchen gemach,	
wand er sî wol berâten sach.	

- daz tet er mêre umbe ir guot
 denne durch sinen milten muot. 3270
 er enphie sî baz dan den gast
 dem des guotes gebrast,
 Grêgôrjum den guoten man:
 in dûhte dan wære niht nutzes an.
 Dô sî gewonnen guoten gemach, 3275
 der vischære zuo den gesten sprach
 'mir ist harte wol geschehen,
 sît ich hie solde gesehen
 alsô guote liute:
 ich hân gevangen hiute 3280
 einen harte schœnen visch.'
 sus wart er ûf einen tisch
 für die herren geleit.
 nû het er niht misseseit:
 wand er was lanc unde grôz; 3285
 des er vil gerne genôz
 an den phenningen.
 dâ wart ein kurzez dingen:
 sî hiezen in im gelten sâ,
 unde bâten in dâ 3290
 den wirt selben gellen.
 nu begunde er in zevellen,
 daz si ez alle sâhen an.
 dô vant der schatzgîre man
 den slûzzel in sînem magen; 3295
 von dem ir ê hîrtet sagen,
 dâ er Grêgôrjum mite
 beslôz mit unstiezem site
 vor sibenzehen jâren ê,
 unde warf in in den sê, 3300
 und sprach, ze swelher stunde
 er den slûzzel funde
 ûz des meres ûnde,
 sô wære er âne stûnde.
 do er in in dem vische vant, 3305
 dô erkande er sich zehant
 wie er getobet hâte:

und vie sich alsô drâte
mit beiden handen in daz hâr.
ich het geholfen im für wâr, 3310
wære ich im gewesen bi
swie erbolgen ich im anders si.

Do er sich geroufte genuoc
und sich ze den brüsten sluoc,
dô frâgten in die herren 3315
waz im möhte gewerren,

dô si in sô tiure sâhen klagen.
nu begunde er in vil rehte sagen
umb Grêgôrjum sinen gast,
daz im des mæres niht gebrast. 3320

ich wæne ez unnütze wære,
ob ich daz vorder mære
iu nû aber anderstunt
mit ganzen worten tæte kunt:
sô würden einer rede zwô. 3325

die boten wurden harte vrô:
wan si spürten an dem mære
daz ez der selbe wære
an den in got selbe riet
und in ze bâbest beschiet. 3330

Dô er in beiden geliche
alsô bescheidenlîche
sîne bihte getete,
ir fûeze suochte er mit bete,
daz si im etelichen rât 3335
gæben für die missetât.

dô si daz grôze riuwen
mit geistlichen triuwen
gesâhen an dem armen,
nu begund er si erbarmen 3340

und gehiezen si im daz,
er möhte vil destê baz
komen von sinem meine,
ob er si zuo dem steine
des morgens wolde wîsen. 3345
nû sâhen im die grîsen

diu ougen über wallen,
 die heizen zäher vallen
 über sinen grāwen bart.
 er sprach 'waz touc diu vart? 3350
 vil wol wise ich iuch dar:
 die vart verliese wir gar.
 ich weiz wol, erst nû lange tât.

ich lie in in maneger nôt
 ûf dem wilden steine: 3355

hæet er der niewan eine,
 ezn möhte dehein lip erwern.
 irn dürft gedingen noch gern
 daz wir in lebenden vinden:
 wær er von kalten winden 3360
 und von froste niht verderbet,
 der hunger heten ersterbet.'

Nu erkanden si den gotes gewalt
 sô starken und sô manecvalt,
 ob er sin geruochte pflegen, 3365
 daz in harte wol sin segen
 gefriste vor aller freise.
 ûf die kurzen reise
 sô wart er tiure gemant:
 die gelobte er in zo hant. 3370

Des morgenes vil vruo
 kêrten si dem wilden steine zuo.
 dô si mit arbeiten
 die barke dar zuo bereiten
 daz si ûf den stein quâmen 3375
 und des war nâmen

wâ Grêgôrjus wære,
 der lebende materære,
 einen harte schoenen man,
 dem vil lützel iender an 3380
 hunger ode frost schein
 oder armuot dehein,
 von zierlichem geräte
 an lîbe und an der wæte,
 daz niemen deheine 3385

von edelem gesteine
 von siden und von golde
 bezzer haben solde,
 wol ze wunsche gesniten,
 der mit lachenden siten 3390
 mit gelphen ougen gienge
 und liebe vriunt enpfienge,
 mit goltvarwen hâre,
 daz iuch in ze wâre
 ze sehen geluste harte, 3395
 mit wol geschornem barte,
 in allen wis sô getân
 als er ze tanze solde gân,
 mit sô gelimter beinwât
 sô si zer werlde beste stât, 3400
 den enfunden si niender dâ:
 er mohte wol wesen anderswâ.

Ich sage iu waz si funden.
 do si suochen begunden
 ûf dem wilden steine, 3405
 der guote und der reine
 der wart ir schiere innen.
 nû wolde er in entrinnen:
 wan sîn scham diu was grôz,
 er was nacket unde blôz. 3410
 nû mohter niht loufen drâte,
 wand er gebende hâte
 an ietwederem beine.

er viel zuo dem steine:
 sus wolde er sich verborgen hân. 3415
 dô er si sach zuo im gân,
 dô brach er für die scham ein krût.
 sus funden si den gotes trût,
 einen dürftegen ûf der erde,
 ze gote in hôhem werde, 3420
 den liuten widerzæme,
 ze himel vil genæme.

Der arme was ze wâre
 erwahsen von dem hâre,

verwalken zuo der swarte, an houbet unde an barte: ê was ez ze rehte reit, nû ruozvar von der arbeit. ê wâren im diu wangen mit rœete bevangen mit gemischter wîze mit werdeclichem vlize, nû swarz und in gewichen, daz antlûtze erblichen. ê wâren im für wâr diu ougen gelpf unde clâr, der munt ze freuden gestalt, nû bleich unde kalt, dlu ougen tief trûebe und rôt, als ez der mangel gebôt, mit brâwen behangen rûhen unde langen; ê grôz ze den liden allen daz vleisch, nû zuo gevallen unze an daz gebeine: er was sô glîche kleine an beinen unde an armen, ez möhte got erbarmen.	3425 3430 3435 3440 3445
Dâ im diu isenhalte lac beidiu naht unde tac, dâ het si im ob dem fuoze das vleisch harte unsuoze unz an daz bein vernozen, sô daz si was begozzen mit bluote zallen stunden von den vrischen wunden. daz was sin swærstiu arbeit, ân ander nôt die er leit. ich gelîche in disen sachen, als der ein klachen über dorne spreite: man möhte im sam gereite allez sin gebeine	3450 3455 3460

grôz unde kleine
 haben gezalt durch sine hât. 3465
 swie sêre der gotes trût
 an dem lîbe wære
 verwandelt von der swære,
 nû was der heilige geist
 dar an gewesen sîn volleist 3470
 alsô gänzlichen
 daz im niht was entwichen
 erne het sîn alten
 kunst unz her behalten
 von worten und von buochen. 3475
 die in dâ vuoren suochen,
 als in die hâten gesehen,
 als ich in nû hân verjehen
 des lîbes alsô armen,
 do begunde er in erbarmen 3480
 sô sêre daz der ougen flôz
 regens wis ir wât begôz.
 sî beswuoren in bî gote
 und bî sînem gebote,
 daz er sî wizzen lieze 3485
 ob er Grêgôrjus hieze.

Dô er sô tiure wart gemant,
 dô tet er in bekant
 daz er Grêgôrjus wære. 3490
 nû sagten si im diu mære,
 war umbe si ûz wæren komen,
 als ir wol habet vernomen,
 als in des nahtes, beiden
 von gote wart bescheiden,
 daz er in hæte genant, 3495
 selbe erwelt unde erkant,
 und ze rihtære gesat
 hie en erde an sîn selbes stat.

Als er die botschaft vernam,
 wie nâhen ez sînem herzen quam! 3500
 ez sancte der gotes werde
 daz houbet zuo der erde:

mit manegen trahen er dô sprach,
 daz er si nie an gesach
 'sit ir kristenliute, 3505
 sô êret got hiute
 und gêt vil drâte von mir,
 wand ich der êren wol enbir
 daz mir diu gnâde iht geschehe
 daz ich iemen guoter ane sehe 3510
 mit sô stüntlichen ougen.
 gote ist daz niht tougen,
 mîn vleisch ist sô unreine
 daz ich billich eine
 belibe unz an mînen tôt. 3515
 daz mir der êwigen nôt
 diu sêle über werde,
 daz koufe ich ûf der erde.
 wære ich bi in hiute,
 sô müesen guote liute 3520
 enkelden mîner missetât.
 sô hôhe sô mîn schulde stât,
 sô möchte boum unde gras,
 und swaz ie grüenes bi mir was,
 dorren von der grimme 3525
 mîner unreinen stimme
 und von der unstieze
 mîner baren fûeze.
 daz der stiezen weter gruoze,
 dâ von diu werlt gestên muoze 3530
 und diu heimliche linde
 von regen und von winde
 mir sint alsô gemeine
 als ob ich wære reine,
 und der liechten sunnen schîn 3535
 sô deumtietê geruochoet sîn
 daz er mich volleclichen an
 schînet als einen man,
 der gnâden wære mîn vleisch unwert.
 daz ir mîn ze meister gert, 3540
 daz ist ein erdâhter spot.

ich hân umb unsern herren got
 verdienet leider verre baz
 sinen zorneclîchen haz
 denne daz er an mich kêre 3545
 die gnâde und die êre
 die ein bâbest haben sol.
 man enbirt mîn ze Rôme wol:
 iu wære ze mir niht wol geschehen.
 muget ir doch mînen lîp sehen? 3550
 der ist sô ungenæme,
 den êren widerzæme.
 wart mir ie herren vuore kunt,
 der ist vergezzen ze dirre stunt.
 ich bin der liute ungewon: 3555
 den bin ich billichen von.
 ir herren nemet selbe war,
 mir sint verwandelt vil gar
 der sin, der lîp, dar zuo die site,
 die dem von rehte wonent mite 3560
 der grôzes gewaltes pflegen sol:
 ichn zime ze bâbest niht wol.
 ir vil sæligen liute,
 nû lât mir daz hiute
 ze einem heile sîn geschehen 3565
 daz ir mich hie habt gesehen,
 und geruochet iuch erbarmen
 über mich vil armen
 und gedenket mîn ze gote.
 wir haben von sînem gebote, 3570
 swer umbê den sündære bite,
 dâ lœse er sich selben mite.
 nu ist zît daz wir uns scheiden:
 waz frumt iu daz beiden
 daz ir vrôut an mir des tiuvels muot? 3575
 mîn kurzwile ist alze guot.
 ich bin gesezzen hie zwære
 in dem sibenzehenden jâre,
 daz ich nie menschen gesach.
 ich fürhte, diu vreude und der gemach 3580

diu ich mit rede hie wider iuch hân,
 ze buoze müeze ich ir gestân
 vor im der keine missetât
 ungerochen niene lât.'

Sus stuont er ûf und wolde dan. 3585

do beswuoren in die zwêne man
 alsô verre bî gote
 und bî sinem vorhtlichen gebote
 daz er doch stille gesaz
 und hôrte ir rede fûrbaz. 3590

nû buten sî im beide
 mit triuwen und mit eide
 der rede ein solhe sicherheit,
 diu im dâ vûr was geleit,
 daz er in geloubte baz. 3595

er sprach 'ich was ein vollez vaz
 süntlicher schanden.
 dô ich mit disen banden
 bestatet wart ûf disen stein,
 diu ir hie sehent umb miniu bein, 3600

diu ich hie trage mit sorgen,
 dô wart alsus geborgen
 der slûzzel dâ mit ich dar in
 alsô vaste versperret bin:
 er wart geworfen in den sê. 3605

der in dar warf, der sprach niht mê,
 wan sô er in fûnde,
 sô wære ich âne sünde.
 nu ist niemens sünde alsô grôz,
 des gewalt die helle entslôz, 3610

des gnâde sîn noch merre.
 ob got unser herre
 mîner manegen missetât
 durch sinen trôst vergezzen hât,
 und ob ich reine worden bin, 3615

des müeze er uns drin
 ein rehtez wortzeichen geben,
 ode sich muoz mîn leben
 ûf disem steinē verenden.

- er muoz mir wider senden 3620
 den slüzzel dā mit ich dā bin
 sus vaste beslozzen in,
 ode ich gerūme ez niemer hie.
 nū viel der vischære an diu knie
 mit manegen trahen für in, 3625
 er sprach 'herre, ich bin
 der selbe sündige man
 der sich verworhte dar an.
 ich arme man verlorne
 enpfie iuch mit zorne. 3630
 ditz was diu wirtschaft diech iu bôt:
 ich gab iu schelten für daz brôt,
 ich schancte iu ze vlize
 mit manegem itewize.
 sus behielt ich iuch ein naht 3635
 mit unwirde und mit grözem braht.
 alsus bin ich worden alt
 daz ich der sünde nie engalt:
 ez ist der sêle noch gespart,
 ichn genieze danne der vart 3640
 die ich her mit triuwen hān getān,
 und sol ich sīn ze buoze stān.
 darnāch volgte ich iuwer bete,
 wan daz ichz in hōnschaft tete,
 ich brāhte iuch ūf disen stein: 3675
 alsus beslōz ich iuwer bein
 und warf den slüzzel in den sê.
 ichn gedāhte an iuch niemmer mē
 unz gester mīn sündigiu hant
 den slüzzel in einem vische vant. 3650
 daz sāhen dise herren wol,
 ob ichz mit in erziugen sol.'
 Erntslōz die fsenhalten.
 dō teilten die alten
 mit im ir pfeftlichiu kleit: 3655
 und als er an wart geleit,
 mit in fuorten sī dan
 disen sündelōsen man

ab dem wilden steine.
 nû was vil harte kleine 3660
 sînes armen libes maht.
 nû beliben sî die naht
 mit dem vischære.

des jâmer was vil swære,
 er suochte buoze unde rât 3665
 umb die grôze missetât
 die er dâ vor an im begie,
 dô er in hœnliche empfie.

nû machte diu grôze triuwe
 und diu ganze riuwe 3670
 und sîner ougen ûnde,
 daz vlêhen sîner sûnde,
 daz im diu sêle genas.

Dannoch dô Grêgôrjus was
 in der sûnden gewalt, 3675
 als iu dâ vor was gezalt,
 dô er von sînem gwalte gie
 und in der vischære enpfie
 in sînem hûs sô swache
 und in mit ungemache 3680
 des nahtes beriet,

morgen dô er danne schiet,
 und er der tavele vergaz,
 die wile er ûf dem steine saz,
 so gemuote in nie mêre 3685
 dehein dinc alsô sêre.

nû gedâhte er aber dar an,
 unt mantê den vischenden man
 daz er durch got tæte,
 ob er sî funden hæte, 3690
 daz si im wider würde,
 daz sîner sûnden bûrde
 deste ringer wære.

dô sprach der vischære
 'Leider ichn gesach sî nie. 3695
 saget, wâ liezet ir sî hie,
 ode wie vergâzent ir ir sus?'

,ich lie sî' sprach Grêgôrjus,
 'in dem hiuselfne da ich slief.
 dô man mir des morgens rief, 3700
 dô wart mîn angest swære,
 daz ich verstûmet wære:
 ich erschrihte von slâfe und ilte iu nâch,
 und wart mir leider alsô gâch
 daz ich der tavele vergaz.' 3705
 der vischære sprach 'waz hülfe uns daz
 ob wir sî suochten?' dâ sî lit,
 dâ ist sî vûl vor maneger zit.
 ouwê, lieber herre mîn,
 jâ stuont daz selbe hiuselfn 3710
 nâch iu niht zwelf wochen
 ê daz ez wart zebrochen:
 ich hân ez allez verbrant,
 beidiu dach unde want.
 ich truoc iu dô sô herten muot, 3715
 und wære ez gewesen guot
 für wint ode für regen,
 irn wæret dâ inne niht gelegen.
 dâ ê daz hiuselfn was,
 dâ wahset nû umbederbe gras 3720
 nezzeln unde unkrût.'
 dô siufte der gotes trût,
 got er im sô helfen bat,
 ern kœme niemer von der stat,
 ob er ir niht funde. 3725
 nû giengen sî zestunde
 mit gabeln und mit rechen,
 und begunden nâher brechen
 daz unkrût und den mist.
 nu erzeugte der dâ gnædic ist 3730
 an dem guoten Grêgôrjô
 ein vil grôzez zeichen dô,
 wande er sîne tavel vant
 als niuwe als sî von siner hant
 fûere der sî dâ worhte. 3735
 vreude unde vorhte

heten sî die daz sâhen.
 wande sî des jâhen
 ditze wære ein sælic man.
 dâ enlugen sî niht an.

3740

Dô des morgens ir vart
 gegen Rôme erhaben wart,
 do ersâhen sî dicke under wegen
 daz der gereite gotes segên
 disse reinen mannes pfîac
 mit vlîze naht unde tac.
 sî geruorte ûf der reise
 nie dehein wegefreise:
 ir spîse erschôz in alsô wol
 daz ir vaz ie wâren vol,
 swie vil sî drûz genâmen,
 unz sî ze Rôme quâmen.

3745

3750

Von einen gnâden ich in sage.

vor der kunft drîer tage
 dô wart ze Rôme ein michel schal:
 sich begunden über al
 die glocken selbe liuten
 und kunden den liuten
 daz ir rihtære

3755

schiere künftic wære.
 dô kôs wîp unde man
 sîne heilecheit dar an.

3760

sî fuoren gegen im sâ
 engegen Equitânjâ
 die drte tageweide
 sî hâten über heide

3765

einen gotlîchen ruom:
 sî truogen ir heiltuom,
 wûllîn unde barfuoz.
 er hôrte willeclîchen gruoꝝ
 an sînem antvange
 mit lobe und mit gesange.

3770

Ez lâgen ûf der strâze
 siechen âne mâze:
 die kômen dar ûf sînen trôst,

3775

Gregorius.

daz si wûrden erlôst.
 der êrnerte sîn segên
 harte vil under wegen.
 swen dâ bernorte,
 dâ man in hin fuorte, 3780
 sîn guot wille ode sîn hant,
 sîn wort ode sîn gewant,
 der wart dâ zestunt
 von sînem kumber gesunt.

Rôme diu mære 3785
 enpfie ir rihtære
 mit lachendem muote.
 daz kom ir zallem guote:
 wande ez wart ze der stat
 nie bâbest gesat 3790
 der baz ein heilære
 der sêle wunden wære.

Er kunde wol ze rehte leben,
 wan im diu mâze was gegeben
 von des heiligen geistes lêre. 3795
 des rechten huote er sêre.

ez ist reht daz man behalte
 deumûete in gewalte
 (dâ genesent die armen mite),
 und sol doch vrevellîche site 3800
 durch die vorhte erzeigen
 und die mit rehte neigen
 die wider dem rechten sint.

ob aber ein des tievels kint
 durch die stôle niene tuo, 2805
 dâ hœret danne gewalt zuo.

des sint diu zwei gerihte guot:
 si lêrent reht und slahent hôhen muot.
 man sol dem sündære

ringen sîne swære 3810
 mit senfter buoze,
 daz im diu riuwe suoze.
 daz reht ist alsô swære,
 swer dem sündære

- ze vaste wil nâch jagen, 3815
 dazn mac der lîp niht wol vertragen.
 ob er genâde suochen wil,
 gît man im gâhes buoze vil,
 vil lîhte ein man dâ von verzagt, 3820
 daz er sich aber got entsagt
 und wirt wider des tievels kneht.
 dâ von gêt gnâde fûr daz reht.
 sus kunde er rehte mâze geben
 über geistlichez leben, 3825
 dâ mit der sündære genas
 und der guote stæte was.
 von sîner starken lêre
 sô wuohs diu gotes êre
 vil harte stârcliche
 in rœmischem rîche. 3830
 Sîn muoter, sîn base, sîn wîp
 (diu driu heten einen lîp),
 dô sî in Equitânjam
 von dem bâbest vernam
 daz er sô gar wære 3835
 ein trôst der sündære,
 dô suochte sî in durch rât
 umbe ir houbetmissetât,
 daz sî der sünden bûrde
 von im entladen wûrde. 3840
 unde dô sî in gesach
 und im ir bîhte vor gesprach,
 nû was dem guoten wîbe
 von des bâbestes lîbe
 ein unkundez mære 2845
 daz er ir sun wære:
 ouch het sî an sich geleit
 die riuwe und die arbeit,
 sît sî sich schieden beide,
 daz ir der lîp von leide 3850
 entwichen was begarwe
 an krefte und an varwe,
 daz er ir niht erkande

- unz si sich im genande
 und daz lant Equitājam. 3855
 dô er ir bihte vernam,
 dône bejach si im anders niht
 niewan der selben geschiht
 diu im ouch ê was kunt:
 dô erkande er si zestunt, 3860
 daz si sîn muoter wære.
 der guote und der gewære
 der vreute sich ze gotē,
 daz si sînem gebote
 alsô verre under lac: 3865
 wande er sach wol daz si pflic
 riuwe und rehter buoze.
 mit willeclîchem gruoze
 enpfie er sîne muoter dô,
 und was des herzenlîchen vrô 3870
 daz im diu sælde geschach
 daz er si vor ir ende sach
 und daz er si alten
 muose behalten
 und geistlîchen rât geben 3875
 über sêle und über leben.
 Dannoeh was ir daz unkunt,
 gesach si in ie vor der stunt.
 mit listen sprach er zuo ir
 'vrouwe, durch got, nû saget mir, 3880
 habt ir sit iht vernomen
 war iuwer sun si komen,
 weder er si lebende ode tôt?
 do ersiuftē si (des gie ir nôt),
 si sprach 'herre, nein ich. 3885
 ich weiz wol, er hât an sich
 von riuwe solhe nôt geleit,
 ichn verneme es rehte wârheit,
 sone gloube ich niht daz er noch lebe.'
 er sprach 'ob daz von gotes gebe 3890
 immer mœhte geschehen
 daz man in iuch lieze sehen,

nû saget wie, getriuwet ir doch
 ob ir in erkandet noch?
 si sprach 'herre mich entriege mîn sin, 3895
 ich erkande in wol, und sæhe ich in.'

Er sprach 'nû saget des ich iuch bite
 weder wære iu dâ mite
 liep ode leit geschehen,
 ob ir in müeset sehen?' 3900

si sprach 'herre ir muget wol nemen war,
 ich hân mich bewegen gar
 lîbes unde guotes,
 vreunden unde muotes,
 gelîch eim armen wîbe: 3905
 mirn möhte ze disem lîbe
 dehein vreude niht geschehen,
 niewan müese ich in sehen.'

Er sprach 'sô gehabt iuch wol,
 wand ich iu vreude künden sol. 3910
 es ist unlanc daz ich in sach
 und daz er mir bi gote jach
 daz er keinen vriunt hæte
 ze triuwen und ze stæte
 liebern danne iuvern lîp.' 3915


'genåde herre,' sprach daz wîp,
 'lebet er noch?' 'jâ er.' 'nû wie?'
 'er gehabt sich wol unde ist hie.'
 'mag ichn gesehen, herre?'
 'jâ, wol: er ist unverre.' 3920
 'herre, sô lât mich in sehen.'

'vrouwe, daz mac wol geschehen:
 sît daz ir in sehen welt,
 sô ist unnôt daz ir des twelt.

Vil liebiu muoter, seht mich an: 3925
 ich bin iuwer sun und iuwer man.
 swie grôz und swære
 mîner sünden last wære,
 des hât nû got vergezzen,
 und hân alsus besetzen 3930
 disen gewalt von gote.


- ez kom von sinem gebote
daz ich her wart erwelt:
alsus hân ich im geselt
beidiu sêle unde lîp.' 3935
sus wart daz gnâdelôse wîp
ergetzet ir leides gar.
got santē sî wunderlîchen dar
ze vreuden in beiden.
sus wârens ungescheiden 3940
unze an den gemeinen tôt.
als ir Grêgôrjus gebôt
und ir ze bûezenne riet,
dô er von ir lande schiet,
mit lîbe und mit guote, 3945
mit beitemdem muote,
daz hâte sî geleistet gar
sô daz ir niht dar an war.
swaz sî ouch jâre sî vertriben
sî sî ze Rôme ensamt beliben, 3950
diu wâren in beiden
ze gote alsô bescheiden
daz sî nû iemmer mêre sint
zwei ûz erweltiu gotes kint.
ouch erwarp er sinem vater daz 3955
daz er den stuol mit im besaz,
dem niemer vreude zergât:
wol im der in besezen hât.
Bî disen guoten mæren
von disen sündæren, 3960
wie sî nâch grôzer schulde
erwurben gotes hulde,
dâ ensol nû niemer an
dehein sündiger man
genomen bösez bilde, 3965
sî er gote wilde,
daz er iht gedenke alsô,
'nû wis dû vrevêl unde vrô:
wie soldest dû verwâzen wesen?
sî daz dise sint genesen 3970

nâch ir grôzen meintât, sô wirt dîn alsô guot rât: und ist daz ich genesen sol, sô genise ich alsô wol. swen des der tiuvel schündet, daz er ûf den trôst sündet, den hât er überwunden, in sinen gewalt gebunden: und ist ouch sîn sünde kranc, sô kumt der selbe gedanc mit tûsentvalter missetât, und wirt sîn nimmer mêre rât. dâ sol der sündige man ein sælic bilde nemen an swie vil er gestündet hât, daz sîn doch wirt guot rât, ob er die riuwe begât und rehte buoze bestât.	3975
Hartman, der sîn arbeit an ditz getihte hât geleit got und iu ze minnen, der gert dar an gewinnen ze lône von iu allen daz ir iu lât gevallen, die ez hœren oder lesen, daz sî bittende wesen daz im diu sælde geschehe daz er iuch noch gesehe in dem himelrîche. des sendet allê gelsîche disen guoten sündære ze boten umb unser swære, daz wir in disem elende ein als genislich ende nemen als sî dâ nâmen. des gestiure uns got. âmen.	3980 3985 3990 3995 4000 4005









Buchbinderei
von
Carl Ra
Götting
Hospitals